


x-rite

colorchecker CLASSIC

DIE VIII. DECEMBRIS.
OFFICIUM
PROPRIUM CUM OCTAVA
IMMACULATÆ
CONCEPTIONIS
BEATÆ MARIÆ VIRGINIS:
In hoc Mysterio Hispaniarum, & India-
rum Principalis Patronæ: ex Brevia-
rio Franciscano defumptum:
Ad preces Serenissimi Regis Catholici
Caroli III.
A Smo. Domino nostro Clemente XIII.
concessum, & ad prædicta Regna
extensum.
In eisdem Regnis Dup. r. classis cum
octava. Additis in fine Antiphonis, Do-
minicarum, & Feriarum Adventus,
quæ infra hanc octavam oc-
currere possunt.
In Officina Hæredum Ignatii Frau
Regis Typographi.

100mm



7A-1176

Miguel Planes

32



Pa. 25-868

DIE VIII. DECEMBRIS.

OFFICIUM
PROPRIUM CUM OCTAVA
IMMACULATÆ
CONCEPTIONIS
BEATÆ MARIÆ VIRGINIS:

In hoc Mysterio Hispaniarum, & India-
rum Principalis Patronæ: ex Brevia-
rio Franciscano desumptum:

Ad preces Serenissimi Regis Catholici
Caroli III.

A Smo. Domino nostro Clemente XIII.
concessum, & ad prædicta Regna
extensum.

In eisdem Regnis Dup. r. classis cum
octava. Additis in fine Antiphonis, Do-
minicarum, & Feriarum Adventus,
quæ infra hanc octavam oc-
currere possunt.

In Officina Hæredum Ignatii Frau
Regis Typographi.

COMPTON'S

BEATS MARIE VIRGINIA

In hoc M. Virg. H. ...
tam ...
no ...

Ad ...
Carol...

A ...
...

In ...
...





ψ. In Conceptione tua Virgo immaculata
fuiſti.

℞. Ora pro nobis Patrem, cujus Filium
peperifti.

In nomine domini Amen
Hic incipit liber primus
de rebus nobis factis
per nos

OFFICIUM PROPRIUM
IMMACULATÆ
CONCEPTIONIS

BEATÆ MARIE VIRGINIS.

AD VESPERAS.

Pater noster. Ave Maria. fol. 22. V.

DEUS in adiutorium meum in-
tende. R. Domine ad adjuvan-
dum me festina. Gloria Patri,
& Filio, & Spiritui Sancto. Si-
cut erat in principio, & nunc, & semper,
& in sæcula sæculorum. Amen. Alleluya.

Antiphona. Sicut lilium inter spinas,
sic amica mea inter filias Adæ.

Psalms 109.

Dixit Dominus Domino meo: * Se-
de à dextris meis:

Donec ponam inimicos tuos, * scabel-
lum pedum tuorum.

Virgam virtutis tuæ emittet Dominus
ex Sion: * dominare in medio inimi-
corum tuorum.

Tecum principium in die virtutis tuæ

in splendoribus sanctorum: * ex utero
ante luciferum genui te.

Juravit Dominus, & non pœnitebit
eum: * Tu es sacerdos in æternum se-
cundùm ordinem Melchisedech.

Dominus à dextris tuis, * confregit in
die iræ suæ reges.

Judicabit in nationibus, implebit ruinas: *
conquassabit capita in terra multorum.

De torrente in via bibet: * propterea
exaltabit caput.

Gloria Patri, & Filio, & Spiritui Sancto.
Sicut erat in principio, & nunc, & sem-
per, * & in sæcula sæculorum. Amen.

Antiphona. Sicut lilium inter spinas,
sic amica mea inter filias Adæ.

Antiphona. Tota pulchra es Maria, &
macula non est in te.

Psalms 112.

Laudate pueri Dominum: * laudate
nomen Domini.

Sit nomen Domini benedictum, * ex hoc
nunc, & usque in sæculum.

A solis ortu usque ad occasum, * lau-
dabile nomen Domini.

Excelsus super omnes gentes Dominus, *

& super cœlos gloria ejus.

Quis sicut Dominus Deus noster, qui in altis habitat, * & humilia respicit in cœlo, & in terra?

Suscitans à terra inopem, * & de stercore erigens pauperem.

Ut collocet eum cum principibus, * cum principibus populi sui.

Qui habitare facit sterilem in domo: * matrem filiorum lætantem.

Gloria Patri, & Filio, &c.

Antiphona. Tota pulchra es Maria, & macula non est in te.

Antiphona. Tu gloria Jerusalem, tu lætitia Israel, tu honorificentia populi nostri. *Psalmus 121.*

Lætatus sum in his, quæ dicta sunt mihi: * in domum Domini ibimus.

Stantes erant pedes nostri, * in atriis tuis Jerusalem.

Jerusalem, quæ ædificatur ut civitas: * ejus participatio ejus in idipsum.

Illuc enim ascenderunt tribus, tribus Domini: * testimonium Israel ad confitendum nomini Domini.

Quia illic federunt sedes in iudicio: *

sedes super domum David.

Rogate, quæ ad pacem sunt Jerusalem: *
& abundantia diligentibus te.

Fiat pax in virtute tua: * & abundan-
tia in turribus tuis.

Propter fratres meos, & proximos
meos, * loquebar pacem de te.

Propter domum Domini Dei nostri, *
quæ sibi bona tibi. Gloria Patri, &c.

Antiphona. Tu gloria Jerusalem, tu læti-
tia Israel, tu honorificentia populi nostri.

Añã. Vox enim tua dulcis, & facies illa
tua decora nimis. *Psalmus 126.*

Nisi Dominus ædificaverit domum, *
in vanum laboraverunt, qui ædi-
ficant eam.

Nisi Dominus custodierit civitatem, *
frustra vigilat, qui custodit eam.

Vanum est vobis ante lucem surgere: *
surgite postquam sederitis, qui man-
ducatis panem doloris.

Cum dederit dilectis suis somnum: *
ecce hæreditas Domini, filii; merces,
fructus ventris.

Sicut sagittæ in manu potentis, * ita
filii excussorum.

Beatus vir, qui implevit desiderium suum ex ipsis : * non confundetur cum loquetur inimicis suis in porta.

Gloria Patri.

Antiphona. Vox enim tua dulcis, & facies illa tua decora nimis.

Antiphona. Quæ est ista, quæ ascendit de deserto, delitiis affluens, innixa supra dilectum Filium? *Psalmus 147.*

LAuda Jerusalem Dominum : * lauda Deum tuum Sion.

Quoniam confortavit seras portarum tuarum : benedixit filiis tuis in te.

Qui posuit fines tuos pacem : * & adipe frumenti satiat te.

Qui emittit eloquium suum terræ : * velociter currit sermo ejus.

Qui dat nivem sicut lanam : * nebulam sicut cinerem spargit.

Mittit crystallum suam sicut buccellas : * ante faciem frigoris ejus, quis sustinebit?

Emittet verbum suum, & liquefaciet ea : * stabit spiritus ejus, & fluent aquæ.

Qui annuntiat verbum suum Jacob : * justitias, & judicia sua Israel.

Non fecit taliter omni nationi : * & judicia

cia sua non manifestavit eis. Gloria.

Antiphona. Quæ est ista, quæ ascendit de deserto, deliciis affluens, innixa supra dilectum Filium?

Capitulum. Prov. 8.

EGO diligentes me diligo: & qui manè vigilant ad me, invenient me. In vijs justitiæ ambulo, ut ditem diligentes me. Qui operantur in me, non peccabunt. Qui elucidant me, vitam æternam habebunt. R. Deo gratias.

Hymnus.

AVE maris stella,
Dei Mater alma,
Atque semper Virgo,
Felix coeli porta.

Sumens illud Ave
Gabrielis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse Matrem,
Sumat per te preces,

Qui pro nobis natus,
Tulit esse tuus.

Virgo singularis,
Inter omnes mitis,
Nos culpis solutos,
Mites fac, & castos.

Vitam præsta puram,
Iter para tutum,
Ut videntes Jesum,
Semper collætetur.

Sit laus Deo Patri,
Summo Christo decus,
Spiritus Sancto,
Tribus honor unus. Amen.

ÿ. Immaculata Conceptio est hodie
Sanctæ Mariæ Virginis.

R. Cujus innocentia inclÿta cunctas
lætificat devotas animas.

*Qui verò habent privilegium recitandi
hoc officium extra octavam, per annum di-
cent ÿ. sequentem.*

ÿ. In Conceptione tua, Virgo, Im-
maculata fuisti.

R. Ora pro nobis Patrem, cuius Fi-
lium peperisti.

*Ad Magnificat, Antiphona. Quàm pul-
chri*

chri sunt gressus tui, filia principis! Col-
lum tuum sicut turris eburnea, oculi
tui divini, & comæ capitis tui sicut pur-
pura Regis. Quàm pulchra es, & quàm
decòra charissima! alleluja.

Cantic. B. Maria Virg. Luc. i.

Magnificat * anima mea Dominum:
Et exultavit spiritus meus * in Deo
salutari meo.

Quia respexit humilitatem ancillæ suæ: *
ecce enim ex hoc beatam me dicent
omnes generationes.

Quia fecit mihi magna qui potens est: *
& sanctum nomen ejus.

Et misericordia ejus à progenie in pro-
genies * timentibus eum.

Fecit potentiam in brachio suo: * dis-
persit superbos mente cordis sui.

Deposuit potentes de sede, * & exal-
tavit humiles.

Esfurientes implevit bonis: * & divites
dimisit inanes.

Suscipit Israel puerum suum, * recor-
datus misericordiæ suæ.

Sicut locutus est ad patres nostros: *
Abraham, & semini ejus in sæcula.

Gloria Patri, & Filio, &c.

Antiphona. Quàm pulchri sunt gressus tui, filia principis! Collum tuum sicut turris eburnea, oculi tui divini, & comæ capitis tui sicut purpura Regis. Quàm pulchra es, & quàm decòra, charíssima! alleluja.

ORATIO.

DEUS, qui per Immaculatam Virgínis Conceptionem dignum Filio tuo habitaculum præparasti: quæsumus; ut qui ex morte ejusdem Filij sui prævisa, eam ab omni labe præservasti; nos quoque mundos ejus intercessione ad te pervenire concedas. Per eundem Dñm.

Fit tantúm commemoratio Ferie occurr.

Ad Complet. & ad alios Hymnos Horarum dicitur V. Jesu, tibi sit gloria, & per oct. etiam in Festis.

AD COMPLETORIUM.

Lector incipit V. Jube domne benedicere.

Benedictio. Noctem quietam, & finem perfectum concedat nobis Dominus omnipotens. R. Amen.

Lectio brevis. 1. Petri 5. c.

Fratres, Sobrij estote, & vigilate: quia adversarius vester diabolus tamquam leo rugiens circuit, quærens quem devoret: cui resistite fortes in fide. Tu autem Domine miserere nobis. *R.* Deo gratias.

V. Adjutorium nostrum in nomine Domini. *R.* Qui fecit cælum & terram. Pater noster. *dicitur totum secretò.*

Deinde Hebdomadarius facit confessionem.

Confiteor Deo omnipotenti, beatæ Mariæ semper virgini, beato Michaëli Archangelo, beato Joanni Baptistæ, sanctis Apostolis Petro & Paulo, omnibus Sanctis, & vobis fratres: quia peccavi nimis cogitatione, verbo, & opere: mea culpa, mea culpa, mea maxima culpa. Ideo precor beatam Mariam semper virginem, beatum Michaëlem Archangelum, beatum Joannem Baptistam, Sanctos Apostolos Petrum & Paulum, omnes sanctos, & vos fratres, orare pro me ad Dominum Deum nostrum.

Chorus responderet.

Misereatur tui omnipotens Deus,
& dimissis peccatis tuis, perducatur
te ad vitam æternam. R. Amen.

Deinde repetit confessionem: & ubi dicitur vobis fratres, & vos fratres, dicitur tibi pater, & te pater.

Facta confessione à Choro, Hebdomadarius dicit.

Misereatur vestri omnipotens Deus,
& dimissis peccatis vestris, perducatur
vos ad vitam æternam. R. Amen.

Indulgentiam, absolutionem, & remissionem peccatorum nostrorum tribuat
nobis omnipotens & misericors Dominus. R. Amen.

Et facta Absolutione, dicitur ✕.

Converte nos Deus salutaris noster. R.
Et averte iram tuam à nobis. V. Deus
in adiutorium meum intende. R. Domine
ad adjuvandum me festina. Gloria Patri,
& Filio, & Spiritui sancto. Sicut erat
in principio, & nunc, & semper, &
in sæcula sæculorum, Amen. Alleluia.

Antiphona. Misereere. Psalmus 4.

Cum invocarem, exaudivit me Deus
justitiæ meæ: * in tribulatione di-

latasti mihi.

Miserere mei: * & exaudi orationem meam.

Filii hominum usquequo gravi corde? * ut quid diligitis vanitatem, & quæritis mendacium?

Et scitote quoniam mirificavit Dominus sanctum suum: * Dominus exaudiet me, cum clamavero ad eum.

Iraescimini, & nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium iustitiæ, & sperate in Domino. * Multi dicunt: Quis ostendit nobis bona?

Signatum est super nos lumen vultus tui Domine: * dedisti lætitiā in corde meo.

A fructu frumenti, vini, & olei sui * multiplicati sunt.

In pace in idipsum * dormiam, & requiescam;

Quoniam tu Domine singulariter in spe * constituisti me. Gloria Patri, &c.

psalmus 30.

In te Domine speravi, non confundar in æternum: * in iustitia tua libera me.

Inclina ad me aurem tuam, * accelera ut cruas me.

Esto mihi in Deum protectorem, & in domum refugii, * ut saluum me facias.

Quoniam fortitudo mea, & refugium meum es tu: * & propter nomen tuum deduces me, & enutries me.

Educes me de laqueo hoc, quem absconderunt mihi: * quoniam tu es protector meus.

In manus tuas commendo spiritum meum: * redemisti me Domine Deus veritatis. Gloria Patri, &c.

Psalms 90.

QUI habitat in adiutorio Altissimi, * in protectione Dei cœli commorabitur.

Dicet Domino: Susceptor meus es tu, & refugium meum: * Deus meus sperabo in eum.

Quoniam ipse liberavit me de laqueo venantium, * & à verbo aspero.

Scapulis suis obumbrabit tibi: * & sub pennis ejus sperabis.

Scuto circumdabit te veritas ejus: * non timebis à timore nocturno.

A sagitta volante in die, à negotio perambulante in tenebris: * ab incurfu, & daemónio meridiano.

Cadent à latere tuo mille, & decem millia á dextris tuis: * ad te autem non appropinquabit.

Verumtamen oculis tuis considerabis: * & retributionem peccatorum videbis.

Quoniam tu es Domine spes mea: * altissimum posuisti refugium tuum.

Non accedet ad te malum: * & flagellum non appropinquabit tabernaculo tuo.

Quoniam Angelis suis mandavit de te: * ut custodiant te in omnibus viis tuis.

In manibus portabunt te: * ne fortè offendas ad lapidem pedem tuum.

Super aspidem & basiliscum ambulabis: * & conculcabis leonem & draconem.

Quoniam in me speravit, liberabo eum: * protegam eum, quoniam cognovit nomen meum.

Clamabit ad me, & ego exaudiam eum: * cum ipso sum in tribulatione: eripiam eum, & glorificabo eum.

Longitudine dierum replebo eum: * & ostendam illi salutare meum.

Gloria Patri, & Filio, &c.

Psalmus 133.

ECce nunc benedicite Dominum, *
omnes servi Domini.

Qui statis in domo Domini, * in atrijs
domus Dei nostri.

In noctibus extollite manus vestras in
sancta, * & benedicite Dominum.

Benedicat te Dominus ex Sion, * qui fe-
cit coelum, & terram.

Gloria Patri, & Filio, &c.

Antiphona. Misere mihi Domine,
& exaudi orationem meam.

Hymnus.

TE lucis ante terminum,
Rerum Creator poscimus;

Ut pro tua clementiâ
Sis præsul & custodia.

Procul recedant somnia,

Et noctium phantasmata;

Hostemque nostrum comprime,

Ne polluantur corpora.

Jesu, tibi sit gloria,

Qui natus es de Virgine,

Cum Patre, & almo Spiritu,

In sempiterna sæcula. Amen.

TU autem in nobis es Domine, & nomen sanctum tuum invocatum est super nos: ne derelinquas nos Domine Deus noster. *R.* Deo gratias.

R. breve. In manus tuas Domine, * Commendo spiritum meum. In manus tuas Domine, Commendo spiritum meum. *ψ.* Redemisti nos Domine Deus veritatis. Commendo spiritum meum. Gloria Patri, & Filio, & Spiritui sancto. In manus tuas Domine, Commendo spiritum meum. *ψ.* Custodi nos Domine ut pupillam oculi. *R.* Sub umbra alarum tuarum protege nos.

Antiphona. Salva nos.

Canticum Simeonis. Luca 2.

NUnc dimittis servum tuum Domine, * secundum verbum tuum in pace. Quia viderunt oculi mei * salutare tuum. Quod parasti * ante faciem omnium populorum.

Lumen ad revelationem gentium, * & gloriam plebis tuæ Israel. Gloria Patri.

Antiphona. Salva nos Domine vigilantes, custodi nos dormientes: ut vigilemus cum

Christo, & requiescamus in pace.

ψ. Dominus vobiscum. R. Et cum spiritu tuo. *Oratio.*

Visita, quæsumus Domine, habitationem istam, & omnes insidias inimici ab ea longè repelle: Angeli tui sancti habitent in ea, qui nos in pace custodiant: & benedictio tua sit super nos semper. Per Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum. R. Amen.

ψ. Dominus vobiscum. R. Et cum spiritu tuo. ψ. Benedicamus Domino. R. Deo gratias. *Benedictio.* Benedicat & custodiat nos omnipotens & misericors Dominus, Pater, & Filius, & Spiritus sanctus. R. Amen.

Antiphona.

Alma Redemptoris Mater, quæ per
via cœli,
Porta manes, & stella maris, succur-
re cadenti,
Surgere qui curat populo: tu quæ ge-
nuisti,

Natura mirante, tuum sanctum Geni-
torem,

Virgo prius ac posterius; Gabrielis ab
ore

Sumens illud Ave, peccatorum miserere.

v. Angelus Domini nuntiavit Mariæ.

R. Et concepit de Spiritu sancto.

Oratio.

GRatiam tuam, quæsumus Domine,
mentibus nostris infunde: ut, qui
Angelo nuntiante, Christi Filii tui in-
carnationem cognovimus; per passio-
nem ejus & crucem ad resurrectionis glo-
riam perducamur. Per eundem Christum
Dominum nostrum. R. Amen.

v. Divinum auxilium maneat semper
nobiscum. R. Amen.

*Deinde dicitur secretó, Pater noster,
Ave Maria, & Credo.*

AD MATUTINUM.

Pater noster, qui es in cælis:
sanctificetur nomen tuum: ad-
veniat regnum tuum: fiat vo-
luntas tua, sicut in cælo &
in terra. Panem nostrum quotidianum

da nobis hodie : & dimitte nobis debita nostra , sicut & nos dimittimus debitoribus nostris : Et ne nos inducas in tentationem : sed libera nos á malo , Amen.

Ave Maria , gratia plena : Dominus tecum : Benedicta tu in mulieribus , & benedictus fructus ventris tui Jesus . Sancta Maria , Mater Dei , ora pro nobis peccatoribus nunc , & in hora mortis nostræ , Amen.

Credo in Deum , Patrem omnipotentem , Creatorem cœli & terræ . Et in Jesum Christum , Filium ejus unicum , Dominum nostrum : qui conceptus est de Spiritu sancto , natus ex Maria Virgine , passus sub Pontio Pilato , crucifixus , mortuus , & sepultus : descendit ad inferos : tertia die resurrexit à mortuis : ascendit ad cœlos , sedet ad dexteram Dei Patris omnipotentis : inde venturus est judicare vivos & mortuos . Credo in Spiritum sanctum , sanctam Ecclesiam catholicam , Sanctorum communionem , remissionem peccatorum , carnis resurrectionem , vitam æternam , Amen.

Domine labia mea aperies. *℞.* Et os meum annuntiabit laudem tuam. *℥.* Deus in adiutorium meum intende. *℞.* Domine ad adjuvandum me festina. Gloria Patri, & Filio, & Spiritui Sancto. Sicut erat in principio, & nunc, & semper, & in sæcula sæculorum. Amen. Alleluya.

Invitatorium. Immaculatam Conceptionem Virginis Mariæ celebremus,* Christum ejus præservatorem adoremus Dominum. *Repetitur.* Immaculatam Conceptionem Virginis Mariæ celebremus,* Christum ejus præservatorem adoremus Dominum. *Psalmus 94.*

Venite, exultemus Domino, jubilemus Deo salutari nostro: præoccu-
pemus faciem ejus in confessione, & in psalmis jubilemus ei.

Immaculatam Conceptionem Virginis Mariæ celebremus,* Christum ejus præservatorem adoremus Dominum. Quoniam Deus magnus Dominus, & Rex magnus super omnes deos: quoniam non repellet Dominus plebem suam, quia in manu ejus sunt omnes fines terræ, & al-

titudines montium ipse conspicit.

Christum ejus præservatorem adoremus Dominum.

Quoniam ipsius est mare, & ipse fecit illud, & aridas fundaverunt manus ejus: venite adoremus, & procidamus ante Deum; ploremus coram Domino, qui fecit nos, quia ipse est Dominus Deus noster: nos autem populus ejus, & oves pascuæ ejus.

Immaculatam Conceptionem Virginis Mariæ celebremus, * Christum ejus præservatorem adoremus Dominum.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt, & viderunt opera mea.

Christum ejus præservatorem adoremus Dominum.

Quadraginta annis proximus fui generationi huic, & dixi, Semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Immaculatam Conceptionem Virgi-

nis Mariæ celebremus,* Christum ejus
præservatorem adoremus Dominum.
Gloria Patri, & Filio, & Spiritui Sancto.
Sicut erat in principio, & nunc, &
semper, & in sæcula sæculorum. Amen.

Christum ejus præservatorem adoremus
Dominum.

Inmaculatam Conceptionem Virginis
Mariæ celebremus,* Christum ejus
præservatorem adoremus Dominum.

Hymnus.

Quem terra, pontus, sidera
Colunt, adorant, prædicant,
Trinam regentem machinam,
Claustrum Mariæ bajulat.

Cui luna, sol, & omnia
Deserviunt per tempora;
Perfusa cœli gratia,
Gestant puellæ viscera.

Beata Mater munere,
Cujus supernus Artifex
Mundum pugillo continens,
Ventris sub arca clausus est.

Beata Cœli nuntio,
Fecunda Sancto Spiritu,
Desideratus Gentibus

Cujus per alvum fusus est.
Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

IN I. NOCTURNO.

Antiphona. Multæ filiæ congregaverunt
sibi divitias, tu vero supergressa es uni-
versas. *Psalmus 8.*

Domine Dominus noster, * quàm
admirabile est nomen tuum in uni-
versa terra!

Quoniam elevata est magnificentia tua *
super cœlos.

Ex ore infantium & lactentium per-
fecisti laudem propter inimicos tuos, *
ut destruas inimicum, & ultorem.

Quoniam videbo cœlos tuos, opera di-
gitorum tuorum: * lunam, & stellas,
quæ tu fundasti.

Quid est homo, quòd memor es ejus? *
aut filius hominis, quoniam visitas eum?
Minuisti eum paulò minùs ab Angelis,
gloria & honore coronasti eum: * &
constituisti eum super opera manuum
tuarum.

Omnia subiecisti sub pedibus ejus, *
oves, & boves universas, insuper &
pecora campi.

Volucres cœli, & pisces maris, * qui
perambulant semitas maris.

Domine Dominus noster, * quàm admi-
rabile est nomen tuum in universa terra!

Gloria Patri, & Filio.

Añã. Multæ filiæ congregaverunt sibi di-
vitiis, tu verò supergressa es universas.

Antiphona. Surrexerunt filij ejus, & bea-
tissimam prædicaverunt; vir ejus, & lau-
davit eam. *Psalmus 18.*

COeli enarrant gloriam Dei, * &
opera manuum ejus annuntiat fir-
mamentum.

Dies diei eructat verbum, * & nox noc-
ti indicat scientiam.

Non sunt loquelæ, neque sermones, *
quorum non audiantur voces eorum.

In omnem terram exivit sonus eorum; *
& in fines orbis terræ verba eorum.

In sole posuit tabernaculum suum: * &
ipse tamquam sponsus procedens de tha-
lamo suo.

Exultavit ut gigas ad currendam viam, *

à summo cœlo egressio ejus.

Et occursum ejus usque ad summum ejus: *
nec est qui se abscondat à calore ejus.

Lex Domini immaculata , convertens
animas: * testimonium Domini fidele,
sapientiam præstans parvulis.

Justitiæ Domini rectæ , lætificantes cor-
da: * præceptum Domini lucidum , il-
luminans oculos.

Timor Domini sanctus, permanens in sæ-
culum sæculi: * judicia Domini vera,
justificata in semetipsa.

Desiderabilia super aurum & lapidem
pretiosum multum: * & dulciora super
mel & favum.

Etenim servus tuus custodit ea , * in cus-
todiendis illis retributio multa.

Delicta quis intelligit ? ab occultis meis
munda me: * & ab alienis parce servo tuo.

Si mei non fuerint dominati , tunc im-
maculatus ero: * & emundabor à de-
licto maximo.

Et erunt , ut complacent eloquia oris
mei: * & meditatio cordis mei in conf-
pectu tuo semper.

Domine adjutor meus , * & redemptor

meus. Gloria Patri, & Filio, &c.

Antiphona. Surrexerunt filii ejus, & beatissimam prædicaverunt; vir ejus, & laudavit eam.

Antiphona. Fortitudo & decor indumentum ejus, byssus & purpura vestis illius.

Psalms 23.

Domini est terra, & plenitudo ejus: *
orbis terrarum, & universi qui habitant in eo.

Quia ipse super maria fundavit eum: *
& super flumina præparavit eum.

Quis ascendet in montem Domini? * aut
quis stabit in loco sancto ejus?

Innocens manibus & mundo corde: *
qui non accepit in vano animam suam,
nec juravit in dolo proximo suo.

Hic accipiet benedictionem à Domino: *
& misericordiam à Deo salutari suo.

Hæc est generatio quærentium eum, *
quærentium faciem Dei Jacob.

Attollite portas, principes, vestras, &
elevamini portæ æternales: * & introi-
bit Rex gloriæ.

Quis est iste Rex gloriæ? Dominus fortis
& potens, Dominus potens in prælio.

Attollite portas, principes, vestras, & elevamini portæ æternales: * & introibit Rex gloriæ.

Quis est iste Rex gloriæ? Dominus virtutum ipse est Rex gloriæ. Gloria Patri.

Antiphona. Fortitudo & decor indumentum ejus, byffus & purpura vestis illius.

Ÿ. Liberasti me Domine ex ore Leonis.

R. Et à cornibus unicornium humilitatem meam. Pater noster. *secretó Ÿ.*

Et ne nos inducas in tentationem. *R.* Sed libera nos á malo. *Absolutio.*

EXaudi Domine Jesu Christe preces servorum tuorum, & miserere nobis, qui cum Patre & Spiritu sancto vivis & regnas in sæcula sæculorum. *R.* Amen.

Vers. Jube domne benedicere. *Benedictio.* Benedictione perpetua benedicat nos Pater æternus. *R.* Amen.

De libro Ecclesiastici.

Lectio i.

Cap. 24.

EGO ex ore Altissimi prodivi, primogenita ante omnem creaturam. Ego feci in cœlis, ut oriretur lumen indeficiens, & sicut nebula texi omnem terram. Ego in altissimis habitavi, &

thronus meus in columna nubis. Gyrum
cœli circuivi sola, & profundum abyssi
penetravi; in fluctibus maris ambula-
vi, & in omni terra steti, & in omni po-
pulo, & in omni gente primatum ha-
bui: & omnium excellentium, & humi-
lium corda virtute calcavi; & in his om-
nibus requiem quæsiui, & in hæreditate
Domini morabor. Tunc præcepit, &
dixit mihi Creator omnium: & qui crea-
vit me, requieuit in tabernaculo meo, &
dixit mihi: In Jacob inhabita, & in Is-
rael hæreditare, & in electis meis mit-
te radices. Tu autem Domine miserere
nobis. *R.* Deo gratias.

R. Ego ex ore Altissimi prodivi, primo-
genita ante omnem creaturam: ego in
cœlis feci, ut oriretur lumen indeficiens:*
Et sicut nebula texi omnem carnem.

Ÿ. Gyrum cœli circuivi sola, & profun-
dum abyssi penetravi: & in omni popu-
lo, & in omni gente primatum tenui.
* Et sicut nebula texi omnem carnem.

Ÿ. Jube domne benedicere. *Benedic-
tio.* Unigenitus Dei Filius nos benedicere
& adjuvare dignetur. *R.* Amen.

Lectio ii.

AB initio, & ante sæcula creata sum,
& usque ad futurum sæculum non
desinam, & in habitatione sancta coram
ipso ministravi. Et sic in Sion firmata
sum, & in civitate sanctificata similiter
requievi, & in Jerusalem potestas mea.
Et radicavi in populo honorificato, &
in parte Dei mei hæreditas illius, & in
plenitudine Sanctorum detentio mea.
Quasi cedrus exaltata sum in Libano, &
quasi cypressus in monte Sion. Quasi pal-
ma exaltata sum in Cades, & quasi plan-
tatio rosæ in Jericho. Quasi oliva specio-
sa in campis, & quasi platanus exaltata
sum juxta aquam in plarèis. Sicut cinna-
momum & balsamum aromatizans, odo-
rem dedi: quasi myrrha electa dedi sua-
vitatem odoris, & quasi storax, & gal-
banus, & unguia, & gutta, & quasi Li-
banus non incisus, vaporavi habitatio-
nem meam, & quasi balsamum non mis-
tum odor meus. Tu autem Domine mi-
serere nobis. *℞. Deo gratias.*

*℞. Transite ad me omnes, qui concu-
piscitis me, & à generationibus meis*

C

im.

implemini: * Spiritus enim meus super
mel dulcis, & hæreditas mea super mel
& favum.

ψ. Qui audit me, non confundetur: &
qui elucidant me, vitam æternam habe-
bunt.* Spiritus enim meus super mel dul-
cis, & hæreditas mea super mel & fa-
vum.

ψ. Jube domne Benedicere. *Benedictio.*
Spiritus sancti gratia illuminet sensus &
corda nostra. R. Amen.

Lectio iii.

EGO quasi terebinthus extendi ramos
meos, & rami mei honoris & gra-
tiæ. Ego quasi vitis fructificavi suavita-
tem odoris: & flores mei fructus hono-
ris, & honestatis. Ego mater pulchræ di-
lectionis, & timoris, & agnitionis, &
sanctæ spei. In me gratia omnis viæ, &
veritatis: in me omnis spes vitæ, & virtu-
tis. Transite ad me omnes, qui concupis-
citis me, & à generationibus meis imple-
mini: Spiritus enim meus super mel dul-
cis, & hæreditas mea super mel & fa-
vum. Memoria mea in generationes sæ-
culorum. Qui edunt me, adhuc esuri-

ent: & qui bibunt me, adhuc sitient. Qui audit me, non confundetur; & qui operantur in me, non peccabunt. Qui elucidant me, vitam æternam habebunt. Tu autem Domine miserere nobis. *℞.* Deo gratias.

℞. Meum est consilium & æquitas, mea est prudentia, mea est fortitudo: * Per me reges regnant, per me principes imperant, & potentes decernunt justitiam.

℥. Ego diligentes me diligo, & qui manè vigilant ad me, invenient me.* Per me reges regnant, per me principes imperant, & potentes decernunt justitiam.

Gloria Patri, & Filio, & Spiritui Sancto. * Per me reges regnant, per me principes imperant, & potentes decernunt justitiam.

IN II. NOCTURNO.

Antiphona. Quid videtis in Sulamite, nisi choros castrorum? *Psalms 44.*

ERUCTAVIT cor meum verbum bonum: * dico ego opera mea Regi. Lingua mea calamus scribæ, * veloci-ter scribentis.

Speciosus forma præ filiis hominum, diffusa est gratia in labiis tuis: * propterea benedixit te Deus in æternum.

Accingere gladio tuo super femur tuum, * potentissime.

Specie tua, & pulchritudine tua * intende, prospere procede, & regna.

Propter veritatem, & mansuetudinem, & iustitiam: * & deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum regis.

Sedes tua Deus in sæculum sæculi: * virga directionis virga regni tui.

Dilexisti iustitiam, & odisti iniquitatem: * propterea unxit te Deus Deus tuus oleo lætitiæ præ confortibus tuis.

Myrrha, & gutta, & casia à vestimentis tuis, à domibus eburneis: * ex quibus delectaverunt te filiæ regum in honore tuo.

Astitit regina à dextris tuis in vestitu deaurato, * circumdata varietate.

Audi filia, & vide, & inclina aurem tuam: * & obliviscere populum tuum, & domum patris tui.

Et concupiscet Rex decorem tuum: *

quoniam ipse est Dominus Deus tuus,
& adorabunt eum.

Et filia Tyri in muneribus * vultum tu-
um deprecabuntur, omnes divites plebis.

Omnis gloria ejus filia regis ab intus, * in
simbriis aureis circumamicta varietatibus.

Adducentur Regi virgines post eam: *
proximæ ejus afferentur tibi.

Afferentur in lætitia & exultatione: *
adducentur in templum Regis.

Pro patribus tuis nati sunt tibi filii: * conf-
titues eos principes super omnem terram.

Memores erunt nominis tui * in omni
generatione & generationem.

Propterea populi confitebuntur tibi in
æternum, * & in sæculum sæculi.

Gloria Patri.

Antiphona. Quid videtis in sulamite,
nisi choros castrorum?

Antiphona. Aquæ multæ non potuerunt
extinguere charitatem; nec flumina pec-
catorum obruent Mariam.

Psalms 45.

DEUS noster refugium, & virtus; *
adjutor in tribulationibus, quæ
invenerunt nos nimis.

Propterea non timebimus, dum turbabitur terra: * & transferentur montes in cor maris.

Sonuerunt, & turbatae sunt aquae eorum: * conturbati sunt montes in fortitudine ejus.

Fluminis impetus lætificat civitatem Dei: * sanctificavit tabernaculum suum Altissimus.

Deus in medio ejus, non commovebitur: * adjuvabit eam Deus manè diluculo.

Conturbatae sunt Gentes, & inclinata sunt regna: * dedit vocem suam, mota est terra.

Dominus virtutum nobiscum: * susceptor noster Deus Jacob.

Venite, & videte opera Domini, quæ posuit prodigia super terram: * auferens bella usque ad finem terræ.

Arcum conteret, & confringet arma: * & scuta comburet igni.

Vacate, & videte quoniam ego sum Deus: * exaltabor in Gentibus, & exaltabor in terra.

Dominus virtutum nobiscum: * susceptor noster Deus Jacob. Gloria Patri.

Antiphona. Aquæ multæ non potuerunt
extinguere charitatem; nec flumina pec-
catorum obruent Mariam.

Antiphona. A custodia matutina usque ad
noctem speravit Maria in Domino, quia
copiosa apud eum redemptio.

Psalms 86.

Fundamenta ejus in montibus sanc-
tis: * diligit Dominus portas Sion
super omnia tabernacula Jacob.

Gloriosa dicta sunt de te, * civitas Dei.
Memor ero Rahab & Babylonis * sci-
entium me.

Ecce alienigenæ & Tyrus & populus
Æthiopum, * hi fuerunt illic.

Numquid Sion dicet: Homo, & ho-
mo natus est in ea: * & ipse fundavit
eam Altissimus?

Dominus narrabit in scripturis populo-
rum, & principum; * horum qui fue-
runt in ea.

Sicut lætantium omnium * habitatio est
in te. Gloria Patri.

Antiphona. A custodia matutina usque ad
noctem speravit Maria in Domino, quia
copiosa apud eum redemptio.

ŷ. Eruiſti à framea Deus animam meam.
R. Et de manu canis unicam matrem
meam. Pater noſter. *ſecretó ŷ.* Et ne
nos inducas in tentationem. R. Sed libe-
ra nos á malo. *Absolutio.*

Ipfius pietas & miſericordia nos adju-
vet, qui cum Patre & Spiritu ſancto
vivit & regnat in ſæcula ſæculorum.
R. Amen.

Vers. Jube domne benedicere. *Benedic-
tio.* Deus Pater omnipotens ſit nobis
propitiuſ & clemens. R. Amen.

Sermo S. Hieronymi Presbyteri.

Lectio iv.

Qualis & quanta eſſet beata & glo-
riofa ſemper Virgo Maria, ab An-
gelo divinitus declaratur, cum dicitur:
Ave gratia plena: Dominus tecum: be-
nedicta tu in mulieribus. Talibus nam-
que decebat Virginem oppignorari mu-
neribus, ut eſſet gratia plena, quæ de-
dit cœlis gloriam, terris Dominum, pa-
cemque reſudit, fidem Gentibus, finem
vitijs, vitæ ordinem, moribus discipli-
nam. Et benè plena, quia cæteris per
partes præſtatur; Mariæ verò ſimul ſe-

tota infudit plenitudo gratiæ. Verè plena, quia etsi in sanctis Patribus & Prophetis gratia fuisse creditur; non tamen eâtenus plena: in Maria verò totius gratiæ, quæ in Christo est, plenitudo venit, quamquam aliter. Et ideo inquit: Benedicta tu in mulieribus: idest, plus benedicta, quàm omnes mulieres: Ac per hoc quidquid maledictionis infusum est per Hevam, totum abstulit benedictio Mariæ. Tu autem Domine miserere nobis. *R.* Deo gratias.

R. Equitatu meo in curribus Pharaonis assimilavi te, amica mea, pulchræ sunt genæ tuæ, sicut turturis. * Faciamus adjutorium simile sibi.

Ps. Eò quòd castitatem amaveris, virumque nescieris: ideo & manus Domini confortavit te, & eris benedicta in æternum. * Faciamus adjutorium simile sibi.

Ps. Jube domne benedicere. *Benedictio.* Christus perpetuæ det nobis gaudia vitæ. *R.* Amen.

Lectio v. Cap. 2. & 4.

DE ipsa Salomon in Canticis, quasi in laudem ejus: Veni, inquit, columba

lumba mea, immaculata mea. Jam enim hiems transiit, imber abiit, & recessit. Ac deinde inquit: Veni de Libano, veni, coronaberis. Non immeritò igitur venire de Libano jubetur, quia Libanus candidatio interpretatur. Erat enim candidata multis meritorum virtutibus, & dealbata nive candidior: Spiritus Sancti muneribus, simplicitatem columbæ in omnibus representans, quoniam quidquid in ea gestum est, totum puritas & simplicitas, totum veritas & gratia fuit, totum misericordia & justitia, quæ de cœlo prospexit: & ideo immaculata, quia in nullo corrupta. Tu autem Domine miserere nobis. *R.* Deo gratias.

R. Fac tibi arcam de lignis lævigatis. Ruptique sunt fontes abyssi magnæ: * Et factum est diluvium peccati super omnem terram.

ψ. Arca vero Deifera elevata est in sublimem, & ferebatur super aquas, opertique sunt omnes montes excelsi Sanctorum.* Et factum est diluvium peccati super omnem terram.

ψ. Jube domne benedicere. *Benedictio.*

Ignem sui amoris accendat Deus in cor-
dibus nostris. *R.* Amen.

Lectio. vi.

Circūddedit enim virum in utero,
sicut Jeremias sanctus testatur, &
non aliunde accepit. Faciet, inquit, Do-
minus novum super terram, & mulier
circūddabit virum. Verè novum, & om-
nium novitatum supereminens novitas
virtutum, quando Deus (quem ferre non
potest mundus, neque videre aliquis, ut
vivere possit,) sic ingressus est hospitium
ventris, ut corporis claustrum nesciret:
sicque gestatus, ut totus Deus in eo es-
set: & sic exivit inde, ut esset (sicut
Ezechiel fatetur) porta omnino clausa.
Unde canitur in eisdem Canticis de ea:
Hortus conclusus, fons signatus, emis-
siones tuæ paradisus. Verè hortus deli-
tiarum, in quo consista sunt universa flo-
rum genera, & odoramenta virtutum;
sicque conclusus, ut nesciat violari, ne-
que corrumpi ullis insidiarum fraudibus.
Fons itaque signatus sigillo totius Trini-
tatis. Tu autem Domine miserere nobis.
R. Deo gratias.

℞. Fiat mihi sanctuarium, & habitabo in medio eorum. Arcam de lignis Setim compingite; & deaurabis eam auro mundissimo intus & foris: * Et pones super mensam panes propositionis in conspectu meo semper.

℥. Inspice, & fac secundum exemplar, quod tibi in monte monstratum est. * Et pones super mensam panes propositionis in conspectu meo semper. Gloria Patri, & Filio, & Spiritui Sancto. Et pones super mensam panes propositionis in conspectu meo semper.

IN III. NOCTURNO.

Antiphona. Quæ est ista, quæ ascendit per desertum, sicut virgula fumi, ex aromatibus mirrhæ & thuris, & universi pulveris pigmentarii?

Psalmus 95.

Cantate Domino canticum novum: *
cantate Domino omnis terra.

Cantate Domino, & benedicite nomini ejus: * annuntiate de die in diem salutare ejus.

Annunciate inter Gentes gloriam ejus: *

in omnibus populis mirabilia ejus.

Quoniam magnus Dominus, & laudabilis nimis: * terribilis est super omnes deos.

Quoniam omnes dii Gentium dæmonia: *

Dominus autem cœlos fecit.

Confessio & pulchritudo in conspectu ejus: * sanctimonia & magnificentia in sanctificatione ejus.

Afferte Domino patriæ Gentium, afferte Domino gloriam & honorem: * afferte Domino gloriam nomini ejus.

Tollite hostias, & introite in atria ejus: * adorete Dominum in atrio sancto ejus.

Commoveatur à facie ejus universa terra: * dicite in Gentibus, quia Dominus regnavit.

Etenim correxerit orbem terræ, qui non commovebitur: * judicabit populos in æquitate.

Lætentur cœli, & exultet terra, commoveatur mare, & plenitudo ejus: * gaudebunt campi, & omnia quæ in eis sunt.

Tunc exultabunt omnia ligna silvarum à facie Domini quia venit: * quoniam venit judicare terram.

Judicabit orbem terræ in æquitate, * &

populos in veritate sua.

Gloria Patri, &c.

Antiphona. Quæ est ista, quæ ascendit per desertum, sicut virgula fumi, ex aromatibus mirrhæ & thuris, & universi pulveris pigmentarii?

Antiphona. Ferculum fecit sibi Rex Salomon de lignis Libani, columnas ejus fecit argenteas, reclinatorium aureum, ascensum purpureum, media charitate constravit. *Psalmus 96.*

Dominus regnavit, exultet terra: *
latentur insulæ multæ.

Nubes & caligo in circuitu ejus: * justitia & judicium correctio sedis ejus.

Ignis ante ipsam præcedet, * & inflammabit in circuitu inimicos ejus.

Illuxerunt fulgura ejus orbi terræ: * vidit, & commota est terra.

Montes, sicut cera fluxerunt à facie Domini, * à facie Domini omnis terra.

Annuntiaverunt cæli justitiam ejus: * & viderunt omnes populi gloriam ejus.

Confundantur omnes qui adorant sculptilia: * & qui gloriantur in simulacris suis.

Adorate eum omnes Angeli ejus: * audi-

vit, & lætata est Sion.

Et exultaverunt filiaæ Judæ, * propter judicia tua Domine.

Quoniam tu Dominus altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus animas Sanctorum suorum, de manu peccatoris liberabit eos.

Lux orta est justo, * & rectis corde lætitia.

Lætamini justi in Domino: * & confitemini memoriæ sanctificationis ejus.

Gloria Patri, &c.

Antiphona. Ferculum fecit sibi Rex Salomon de lignis Libani, columnas ejus fecit argenteas, reclinatorium aureum, ascensum purpureum, media charitate constravit.

Antiphona. Quæ est ista, quæ progreditur, quasi aurora consurgens, pulchra ut luna, electa ut sol, terribilis ut castrorum acies ordinata? *Psalmus 97.*

C Antate Domino canticum novum: * quia mirabilia fecit.

Salvavit sibi dextera ejus, * & brachi-

um sanctum ejus.

Notum fecit Dominus salutare suum : *
in conspectu Gentium revelavit justiti-
am suam.

Recordatus est misericordiae suae , * &
veritatis suae domui Israel.

Viderunt omnes termini terrae * salu-
tare Dei nostri.

Jubilare Deo omnis terra : * cantate, &
exultate, & psallite.

Psallite Domino in cithara, in cithara,
& voce psalmi : * in tubis ductilibus, &
voce tubae corneae.

Jubilare in conspectu Regis Domini : *
moveatur mare, & plenitudo ejus, orbis
terrarum, & qui habitant in eo.

Flumina plaudent manu, simul montes
exultabunt à conspectu Domini : * quo-
niam venit judicare terram.

Judicabit orbem terrarum in justitia, *
& populos in æquitate. Gloria Patri.

Antiphona. Quæ est ista, quæ progreditur,
quasi aurora confurgens, pulchra ut lu-
na, electa ut sol, terribilis ut castrorum
acies ordinata ?

Ÿ. Verè Dominus est in loco sancto isto,

& ego nesciebam.

R. Non est hîc aliud, nisi domus Dei,
& porta coeli.

Pater noster. *secretó. V.* Et ne nos inducas
in tentationem. R. Sed libera nos à malo.

Absolutio.

A vinculis peccatorum nostrorum
absolvat nos omnipotens, & mi-
sericors Dominus. R. Amen.

Vers. Jube domne benedicere. *Benedic-
tio.* Evangelica lectio sit nobis salus, &
protectio. R. Amen.

Lectio sancti Evangelii secundum Lucam.

Lectio vii. Cap. II.

IN illo tempore: Loquente Jesu ad tur-
bas, extollens vocem quædam mulier
de turba, dixit illi: Beatus venter, qui
te portavit. Et reliqua.

Homilia Venerabilis Bedæ Presb.

Lib. 4. Cap. 49. in Luc. II.

Magnæ devotionis & fidei hæc mu-
lier ostenditur, quæ Scribis, &
Pharisæis Dominum tentantibus, simul
& blasphemantibus, tanta ejus incarna-
tionem præ omnibus sinceritate cogno-
scit, tanta fiducia confitetur, ut & præ-

D

sentium

sentium procerum calumniam, & futuro-
rum confundat hæreticorum perfidiam.
Tu autem Domine miserere nobis. R.
Deo gratias.

R. Omnes moriemini, quia in Adam
peccavistis: quid habes, Esther elevata in
populis? Ego sum frater tuus, noli time-
re, non morieris. * Non enim pro te,
sed pro omnibus hæc lex constituta est.

Y. Non extinguetur in nocte lucerna
tua, & non timebis á frigore nivis.* Non
enim pro te, sed pro omnibus hæc lex
constituta est.

Y. Jube domne benedicere. *Benedictio.*
Cujus festum colimus, ipsa Virgo vir-
ginum intercedat pro nobis ad Domi-
num. R. Amen.

Lectio viii.

NAM sicut tunc Judæi, sancti Spiritus
opera blasphemando, verum con-
substantialemque Patri Dei Filium nega-
bant: sic hæretici postea negando, Ma-
riam semper virginem, sancti Spiritus
operante virtute, nascituro cum huma-
nis membris Unigenito Dei, carnis suæ
materiam ministrasse, verum consubs-

tantialemque matri Filium hominis fa-
teri non debere dixerunt. Tu autem Do-
mine miserere nobis. *R.* Deo gratias.

R. Filius meus parvulus est, & delicatus.
Domus quam ædificari volo, talis esse
debet, ut in cunctis nationibus nomine-
tur: * Et ob hanc causam ante mortem
suam omnes præparavit impensas.

ψ. Elegi, & sanctificavi locum istum,
ut sit nomen meum ibi in sempiternum,
& permaneant oculi mei, & cor meum
ibi cunctis diebus. * Et ob hanc causam
ante mortem suam omnes præparavit im-
pensas. Gloria Patri, & Filio, & Spiritui
sancto. * Et ob hanc causam ante mortem
suam omnes præparavit impensas.

ψ. Jube domne benedicere. *Benedictio.*
Ad societatem civium supernorum per-
ducat nos Rex Angelorum. *R.* Amen.

Lectio ix.

SED si caro Verbi Dei secundum car-
nem nascentis, à carne Virginis ma-
tris pronuntiatur extranea, sine causa
venter qui eum portasset: & ubera, quæ
lactassent, beatificantur. Dicit autem A-
postolus: Quia misit Deus filium suum

factum ex muliere, factum sub lege. Neque audiendi sunt qui legendum putant: natum ex muliere, factum sub lege: sed, Factum ex muliere: quia conceptus ex utero virginali, carnem non de nihilo, non aliunde, sed materna traxit ex carne: alioquin nec verè Filius hominis diceretur, qui originem non haberet ex homine. Tu autem Domine miserere nobis. R. Deo gratias.

Hymnus Ss. Ambrosij, & Augustini.

TE Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cœli, & universæ potestates:

Tibi Cherubim, & Seraphim: incessabili voce proclamant:

Sanctus, Sanctus, Sanctus: Dominus Deus Sabaoth.

Pleni sunt cœli & terra majestatis gloriæ tuæ.

Te gloriosus Apostolorum chorus,

Te Prophetarum laudabilis numerus,

Te Martyrum cādidatus laudat exercitus.

Te per orbem terrarum, sancta confi-
tetur Ecclesia,
Patrem immensæ majestatis,
Venerandum tuum verum & unicum
Filium.

Sanctum quoque Paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus hominem,
non horruisti Virginis uterum.

Tu devicto mortis aculeo: aperuisti cre-
dentibus regna cœlorum.

Tu ad dexteram Dei sedes: in gloria
Patris.

Judex crederis esse venturus.

Te ergo quæsumus, tuis famulis subveni:
quos pretioso sanguine redemisti.

Æterna fac cum Sanctis tuis: in glo-
ria numerari.

Salvum fac populum tuum Domine:
& benedic hæreditati tuæ.

Et rege eos: & extolle illos usque in
æternum.

Per singulos dies, benedicimus te.

Et laudamus nomen tuum in sæculum,
& in sæculum sæculi.

Dignare Domine die isto , sine peccato
nos custodire.

Miserere nostri Domine : miserere nostri.
Fiat misericordia tua Domine super nos:
quemadmodum speravimus in te.

In te Domine speravi : non confundar
in æternum.

*Si hoc Festum occurrat in Dominica Ad-
ventus, lectio ix. dicetur de Dominica , &
de ea fiet commemoratio in 1. & 2. Vesperis ,
in Laudibus , & Missa.*

A D L A U D E S. ʒ.

DEUS in adiutorium meum inten-
de. ʒ. Domine ad adjuvandum
me festina. Gloria Patri , & Fi-
lio , & Spiritui Sancto. Sicut erat in prin-
cipio , & nunc , & semper , & in sæcula
sæculorum. Amen. Alleluia.

Antiphona. Domum tuam decet sancti-
tudo Domine in longitudinem dierum.

Psalms 92.

Dominus regnavit , decorem indu-
tus est : * indutus est Dominus for-
titudinem , & præcinxit se.

Etenim firmavit orbem terræ , * qui non

commovebitur.

Parata sedes tua ex tunc: * à sæculo tu es.
Elevaverunt flumina, Domine: * eleva-
verunt flumina vocem suam.

Elevaverunt flumina fluctus suos, * à
vocibus aquarum multarum.

Mirabiles elationes maris, * mirabilis
in altis Dominus.

Testimonia tua credibilia facta sunt ni-
mis: * domum tuam decet sanctitudo
Domine in longitudinem dierum.

Gloria Patri, &c.

Antiphona. Domum tuam decet sancti-
tudo Domine in longitudinem dierum.

Antiphona. Hæc est domus Domini fir-
miter ædificata: benè fundata est supra
firmam petram. *Psalmus 99.*

Jubilate Deo omnis terra: * servite
Domino in lætitia.

Introite in conspectu ejus, * in exul-
tatione.

Scitote quoniam Dominus ipse est Deus: *
ipse fecit nos, & non ipsi nos.

Populus ejus, & oves pascuæ ejus: * in-
troite portas ejus in confessione, atria
ejus in hymnis: confitemini illi.

Laudate nomen ejus: quoniam suavis est Dominus, in æternum misericordia ejus: * & usque in generationem & generationem veritas ejus. Gloria Patri, &c.

Antiphona. Hæc est domus Domini firmiter ædificata: benè fundata est supra firmam petram.

Antiphona. Fundavit eam Altissimus, qui super maria fundavit eam, & super flumina præparavit illam.

Psalms 62.

DEus, Deus meus, * ad te de luce vigilo.

Sitivit in te anima mea, * quàm multipliciter tibi caro mea.

In terra deserta, & invia, & inaquosa: * sic in sancto apparui tibi, ut viderem virtutem tuam, & gloriam tuam.

Quoniam melior est misericordia tua super vitas: * labia mea laudabunt te.

Sic benedicam te in vita mea: * & in nomine tuo levabo manus meas.

Sicut adipe, & pinguedine repleatur anima mea: * & labiis exultationis laudabit os meum.

Si memor fui tui super stratum meum,

in matutinis meditabor in te: * quia
fuisti adjutor meus.

Et in velamento alarum tuarum exul-
tabo, adhæsit anima mea post te: * me
suscepit dextera tua.

Ipsi verò in vanum quæsierunt animam
meam, introibunt in inferiora terræ: *
tradentur in manus gladii, partes vul-
pium erunt.

Rex verò lætabitur in Deo, laudabuntur
omnes qui jurant in eo: * quia obstruc-
tum est os loquentium iniqua.

Hic non dicitur Gloria Patri.

Psalmus 66.

DEus misereatur nostri, & benedicat
nobis: * illuminet vultum suum su-
per nos, & misereatur nostri.

Ut cognoscamus in terra viam tuam: *
in omnibus Gentibus salutare tuum.

Confiteantur tibi populi Deus: * con-
fiteantur tibi populi omnes.

Lætentur & exultent Gentes: * quo-
niam judicas populos in æquitate, &
Gentes in terra dirigis.

Confiteantur tibi populi Deus, confi-
teantur tibi populi omnes: * terra de-

dit fructum suum.

Benedicat nos Deus, Deus noster, benedicat nos Deus: * & metuant eum omnes fines terræ. Gloria Patri, &c.

Antiphona. Fundavit eam Altissimus, qui super maria fundavit eam, & super flumina præparavit illam.

Antiphona. Dominus custodit ~~te~~ ab omni malo Maria, custodivit animam tuam, introitum tuum, & exitum tuum in sæculum.

Canticum trium puerorum. Dan. 3.

Benedicite omnia opera Domini Domino: * laudate, & superexaltate eum in sæcula.

Benedicite Angeli Domini Domino: * benedicite cœli Domino.

Benedicite aquæ omnes, quæ super cœlos sunt Domino: * benedicite omnes virtutes Domini Domino.

Benedicite sol & luna Domino: * benedicite stellæ cœli Domino.

Benedicite omnis imber & ros Domino: * benedicite omnes spiritus Dei Domino.

Benedicite ignis & æstus Domino: * be-

nedicite frigus & ætus Domino.

Benedicite rores & pruina Domino : *

benedicite gelu & frigus Domino.

Benedicite glacies & nives Domino : *

benedicite noctes & dies Domino.

Benedicite lux & tenebræ Domino : * be-

nedicite fulgura & nubes Domino.

Benedicat terra Dominum : * laudet &
superexaltet eum in sæcula.

Benedicite montes & colles Domino : *

benedicite universa germinantia in ter-
ra Domino.

Benedicite fontes Domino : * benedicite
mària & flumina Domino.

Benedicite cete & omnia , quæ moven-
tur in aquis Domino : * benedicite om-
nes volucres cœli Domino.

Benedicite omnes bestiæ & pecora Do-
mino : * benedicite filii hominum Do-
mino.

Benedicat Israel Dominum : * laudet , &
superexaltet eum in sæcula.

Benedicite sacerdotes Domini Domino : *
benedicite servi Domini Domino.

Benedicite spiritus , & animæ justorum
Domino : * benedicite sancti , & hu-

miles corde Domino.

Benedicite Anania , Azaria , Misael
Domino : * laudate & superexaltate
eum in sæcula.

Benedicamus Patrem & Filium cum
sancto Spiritu : * laudemus & superexal-
temus eum in sæcula.

Benedictus es Domine in firmamento
coeli : * & laudabilis , & gloriosus , & su-
perexaltatus in sæcula.

Hic non dicitur Gloria Patri.

Antiphona. Dominus custodit te ab om-
ni malo Maria , custodivit animam tu-
am , introitum tuum , & exitum tuum
in sæculum.

Antiphona. Fluminis impetus lætificat
civitatem Dei , sanctificavit tabernacu-
lum suum Altissimus.

Psalms 148.

Laudate Dominum de cœlis : * lau-
date eum in excelsis.

Laudate eum omnes Angeli ejus : * lau-
date eum omnes virtutes ejus.

Laudate eum sol & luna : * laudate
eum omnes stellæ & lumen.

Laudate eum cœli cœlorum : * & aquæ

omnes quæ super cœlos sunt, laudent
nomen Domini.

Quia ipse dixit, & facta sunt: * ipse
mandavit, & creata sunt.

Statuit ea in æternum, & in sæculum
sæculi: * præceptum posuit, & non
præteribit.

Laudate Dominum de terra, * draco-
nes, & omnes abyssi.

Ignis, grando, nix, glacies, spiritus
procellarum, * quæ faciunt verbum
ejus:

Montes, & omnes colles: * ligna fruc-
tifera, & omnes cedri:

Bestix, & universa pecora; * serpentes,
& volucres pennatæ:

Reges terræ, & omnes populi: * prin-
cipes, & omnes judices terræ:

Juvenes & virgines, senes cum juniori-
bus laudent nomen Domini: * quia ex-
altatum est nomen ejus solius.

Confessio ejus super cœlum & terram: *
& exaltavit cornu populi sui.

Hymnus omnibus sanctis ejus: * filiis Is-
rael, populo appropinquanti sibi.

Hic non dicitur Gloria Patri.

Psalms 149.

CAntate Domino canticum novum: * laus ejus in Ecclesia sanctorum.

Lætetur Israel in eo, qui fecit eum: * & filii Sion exultent in rege suo.

Laudent nomen ejus in choro: * in tympano & psalterio psallant ei.

Quia beneplacitum est Domino in populo suo: * & exaltavit masetos in salutem.

Exultabunt sancti in gloria: * lætabuntur in cubilibus suis.

Exaltationes Dei in gutture eorum: * & gladii ancipites in manibus eorum.

A faciendam vindictam in nationibus, * increpationes in populis:

Ad alligandos reges eorum in compedibus: * & nobiles eorum in manicis ferreis.

Ut faciant in eis iudicium conscriptum: * gloria hæc est omnibus Sanctis ejus.

Hic non dicitur Gloria. Psalmus 150.

LAudate Dominum in Sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis.

nitudinis ejus.

Laudate eum in sono tubæ: * laudate eum in spalterio & cithara.

Laudate eum in tympano & choro: * laudate eum in chordis & organo.

Laudate eum in cymbalis benesonantibus: laudate eum in cymbalis jubilationis: * omnis spiritus laudet Dominum.

Gloria Patri, &c.

Antiphona. Fluminis impetus lætificat civitatem Dei, sanctificavit tabernaculum suum Altissimus.

Capitulum. Prov. 8.

EGO diligentes me diligo: & qui manè vigilant ad me, invenient me. In vijs justitiæ ambulo, ut ditem diligentes me. Qui operantur in me, non peccabunt. Qui elucidant me, vitam æternam habebunt. *℞.* Deo gratias.

Hymnus.

O Gloriosa Virginum,
Sublimis inter sidera,
Qui te creavit, parvulum
Lactente nutris ubere.
Quod Heva tristis abstulit,
Tu reddis almo germine:

Intrent ut astra flebiles,
Coeli recludis cardines.

Tu Regis alti janua,
Et aula lucis fulgida:
Vitam datam per Virginem,
Gentes redemptæ plaudite.

Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Ÿ. Non accedet ad te malum.

℞. Neque flagellum appropinquabit
tabernaculo tuo.

Antiphona. Quàm pulchra es amica mea,
columba mea, immaculata mea! & odor
vestimentorum tuorum super omnia aro-
mata, alleluya.

Canticum Zachariae. Luca i. g.

Benedictus Dominus Deus Israel, *
quia visitavit, & fecit redemptio-
nem plebis suæ:

Et erexit cornu salutis nobis, * in do-
mo David pueri sui.

Sicut locutus est per os sanctorum, *
qui á sæculo, sunt Prophetarum ejus.

Salutem ex inimicis nostris, * & de ma-

nu omnium, qui oderunt nos :

Ad faciendam misericordiam cum patribus nostris : * & memorari testamenti sui sancti.

Jusjurandum, quod juravit ad Abraham patrem nostrum, * daturum se nobis :

Ut sine timore de manu inimicorum nostrorum liberati, * serviamus illi.

In sanctitate, & justitia coram ipso, * omnibus diebus nostris.

Et tu puer, Propheta Altissimi vocaberis : * præbis enim ante faciem Domini parare vias ejus :

Ad dandam scientiam salutis plebi ejus, * in remissionem peccatorum eorum :

Per viscera misericordiae Dei nostri : * in quibus visitavit nos, oriens ex alto :

Illuminare his, qui in tenebris, & in umbra mortis sedent : * ad dirigendos pedes nostros in viam pacis.

Gloria Patri, & Filio, &c.

Antiphona. Quàm pulchra es amica mea, columba mea, immaculata mea ! & odor vestimentorum tuorum super omnia aromata, alleluia.

Deinde dicitur V. Dominus vobiscum.

E

R.

R. Et cum spiritu tuo.

Oratio.

DEUS, qui per immaculatam Virgini-
nis Conceptionem dignum Filio
tuo habitaculum præparasti: quæsumus;
ut qui ex morte ejusdem Filii sui præ-
visa, eam ab omni labe præservasti; nos
quoque mundos ejus intercessione ad te
pervenire concedas. Per eundem Dñm.

Fit commemoratio Ferie occurrentis.

Benedicamus Domino. R. Deo gratias.

V. Fidelium animæ per misericordiam
Dei requiescant in pace. R. Amen.

AD PRIMAM

Pater noster. Ave Maria. Credo. fol.

22. & 23.

v.

DEus in adjutorium meum inten-
de. R. Domine ad adjuvandum
me festina. Gloria Patri, & Fi-
lio, & Spiritui sancto. Sicut erat in prin-
cipio, & nunc, & semper, & in sæcula
sæculorum. Amen. Alleluia.

Hymnus.

JAm lucis orto sidere
Deum præcemur suplices,

66

Ut

Ut in diurnis actibus
Nos seruet á nocentibus.
Linguam refrænans temperet,
Ne litis horror insonet:
Visum fovendo contegat,
Ne vanitates hauriat.
Sint pura cordis intima,
Absistat & vecordia:
Carnis terat superbiam
Potus cibique parcitas.
Ut cum dies abscesserit,
Noctemque fors reduxerit,
Mundi per abstinentiam
Ipsi canamus gloriam.
Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Antiphona. Domum tuam.

Psalms 53.

Deus in nomine tuo salvum me fac: *
& in virtute tua judica me.
Deus exaudi orationem meam: * auri-
bus percipe verba oris mei.
Quoniam alieni insurrexerunt adversum
me, & fortes quæsierunt animam me-

am: * & non proposuerunt Deum ante
conspectum suum.

Ecce enim Deus adjuvat me, * & Do-
minus susceptor est animæ meæ.

Averte mala inimicis meis: * & in ve-
ritate tua disperde illos.

Voluntariè sacrificabo tibi, * & con-
fitebor nomini tuo Domine, quoniam
bonum est.

Quoniam ex omni tribulatione eripuisti
me: * & super inimicos meos despexit
oculus meus. Gloria Patri, &c.

Psalmus 118.

BEati immaculati in via: * qui ambu-
lant in lege Domini.

Beati, qui scrutantur testimonia ejus: *
in toto corde exquirunt eum.

Non enim qui operantur iniquitatem, *
in viis ejus ambulaverunt.

Tu mandasti * mandata tua custodiri
nimis.

Utinam dirigantur viæ meæ, * ad cus-
todiendas justificationes tuas.

Tunc non confundar, * cum perspexero
in omnibus mandatis tuis.

Confitebor tibi in directione cordis, * in

eo quod didici iudicia iustitiæ tuæ,
Justificationes tuas custodiam : * non
me derelinquas usquequaque.

In quo corrigit adolescentior viam su-
am? * in custodiendos sermones tuos.

In toto corde meo exquisivi te : * ne
repellas me á mandatis tuis.

In corde meo abscondi eloquia tua : *
ut non peccem tibi.

Benedictus es Domine : * doce me jus-
tificationes tuas.

In labiis meis * pronunciaui omnia
iudicia oris tui.

In via testimoniorum tuorum delectatus
sum, * sicut in omnibus divitiis.

In mandatis tuis exercebor : * & consi-
derabo vias tuas.

In justificationibus tuis meditabor : *
non obliviscar sermones tuos.

Gloria Patri, & Filio, &c.

Retribue servo tuo, vivifica me : *
& custodiam sermones tuos.

Revela oculos meos : * & considerabo
mirabilia de lege tua.

Incola ego sum in terra : * non abscon-
das á me mandata tua.

Concupivit anima mea desiderare justifications tuas * in omni tempore.

Increpasti superbos : * maledicti qui declinant à mandatis tuis.

Aufer à me opprobium & contemptum : * quia testimonia tua exquisivi.

Etenim sederunt principes , & adversam me loquebantur : * servus autem tuus exercebatur in justificationibus tuis.

Nam & testimonia tua meditatio mea est : * & consilium meum justificationes tuæ.

Adhæsit pavimento anima mea : * vivifica me secundum verbum tuum.

Vias meas enuntiavi , & exaudisti me : * doce me justificationes tuas.

Viam justificationum tuarum instrue me : * & exercebor in mirabilibus tuis.

Dormitavit anima mea præ tædio : * confirma me in verbis tuis.

Viam iniquitatis amove à me : * & de lege tua miserere mei.

Viam veritatis elegi : * judicia tua non sum oblitus.

Adhæsi testimoniis tuis Domine , * noli me confundere.

Viam mandatorum tuorum cucurri: *
cum dilatasti cor meum.

Gloria Patri, & Filio, &c.

Antiphona. Domum tuam decet sancti-
tudo Domine in longitudinem dierum.

Capitulum. I. Tim. I. d.

REgi sæculorum immortalis & invisi-
bili, soli Deo honor & gloria in sæ-
cula sæculorum, Amen. *R.* Deo gratias.
R. breve. Christe Fili Dei vivi, * Misere-
re nobis. & *repetitur.* Christe Fili Dei
vivi, miserere nobis. *Y.* Qui natus es
de Maria virgine. *R.* Miserere nobis.
Y. Gloria Patri, & Filio, & Spiritui sanc-
to. *R.* Christe Fili Dei vivi, miserere
nobis. *Y.* Exurge Christe, adjuva nos.
R. Et libera nos propter nomen tuum.
Y. Dominus vobiscum. *R.* Et cum spiri-
tu tuo. *Oratio.*

Domine Deus omnipotens, qui ad
principium hujus diei nos perveni-
re fecisti: tua nos hodie salva virtute, ut
in hac die ad nullum declinemus pecca-
tum, sed semper ad tuam justitiam faci-
endam nostra procedant eloquia, diri-
gantur cogitationes & opera. Per Do-

minum nostrum Jesum Christum Filium
tuum : Qui tecum vivit & regnat in uni-
tate Spiritus sancti Deus , per omnia sæ-
cula sæculorum. R. Amen.

ψ. Dominus vobiscum. R. Et cum spiritu
tuo. ψ. Benedicamus Dño. R. Deo gratias.

*Deinde in Choro legitur Martyrologium.
Postea Hebdomadarius dicit. ψ. Pretiosa in
conspectu Domini. R. Mors sanctorum
ejus. Et absoluit sine Oremus.*

Oratio.

SANCTA Maria, & omnes sancti interce-
dant pro nobis ad Dominum : ut nos
mereamur ab eo adjuvari, & salvari
qui vivit & regnat in sæcula sæculorum.
R. Amen.

ψ. Deus in adjutorium meum intende. R.
Domine ad adjuvandum me festina.

ψ. Deus in adjutorium meum intende. R.
Domine ad adjuvandum me festina.

ψ. Deus in adjutorium meum intende. R.
Domine ad adjuvandum me festina.

Gloria Patri, & Filio, & Spiritui sancto. Si-
cut erat in principio, & nunc, & semper,
& in sæcula sæculorum, Amen.

Kyrie eleison. Christe eleison. Kyrie

eleison. Pater noster. *secretò. V.* Et ne nos inducas in tentationem. *R.* Sed libera nos à malo. *V.* Respice in servos tuos Domine, & in opera tua, & dirige filios eorum. *R.* Et sit splendor Domini Dei nostri super nos, & opera manuum nostrarum dirige super nos, & opus manuum nostrarum dirige. *V.* Gloria Patri, & Filio, & Spiritui sancto. *R.* Sicut erat in principio, & nunc, & semper, & sæcula sæculorum, Amen. *Oratio.*

Dirigere & sanctificare, regere & gubernare dignare Domine Deus Rex cœli & terræ, hodie corda & corpora nostra, sensus, sermones, & actus nostros in lege tua, & in operibus mandatorum tuorum: ut hic, & in æternum, te auxiliante, salvi & liberi esse mereamur, Salvator mundi: Qui vivis & regnas in sæcula sæculorum. *R.* Amen.

V. Jube domne benedicere. *Benedictio.* Dies & actus nostros in sua pace disponat Dominus omnipotens. *R.* Amen.

Lectio brevis. Prov. 2.

Beatissimus homo, qui audit me, & qui vigilat ad fores meas quotidie, & observat

servat ad postes ostii mei. Qui me invenerit, inveniet vitam, & hauriet salutem à Domino. Tu autem Domine miserere nobis. *R.* Deo gratias.

ψ. Adjutorium nostrum in nomine Domini. *R.* Qui fecit cœlum & terram *ψ.* Benedicite. *R.* Deus. *Benedictio.* Dominus nos benedicat, & ab omni malo defendat, & ad vitam perducatur æternam; & Fidelium animæ per misericordiam Dei requiescant in pace. *R.* Amen.

AD TERTIAM.

Pater noster. Ave Maria. *fol. 22. & 23. ψ.*

DEus in adjutorium meum intende. *R.* Domine ad adjuvandum me festina. Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen. Alleluia.

Hymnus.

Nunc sancte nobis Spiritus,
Unum Patri cum Filio,
Dignare promptus ingeri
Nostro refusus pectori.

Os, lingua, mens, sensus, vigor,

Confessionem personent,
Flammescat igne charitas,
Accendat ardor proximos.

Jesu, tibi sit gloria.

Qui natus es de Virgine,
Cum Patre, & almo Spiritu
In sempiterna sæcula. Amen.

Antiphona. Hæc est domus Domini.

Psalmus.

LEgem pone mihi Domine viam justifi-
cationum tuarum: * & exquiram
eam semper.

Da mihi intellectum & scrutabor le-
gem tuam: * & custodiam illam in to-
to corde meo.

Deduc me in semitam mandatorum tuo-
rum: * quia ipsam volui.

Inclina cor meum in testimonia tua: *
& non in avaritiam.

Averte oculos meos ne videant vani-
tatem: * in via tua vivifica me.

Statue servo tuo eloquium tuum: *
in timore tuo.

Amputa opprobium meum, quod suspi-
catus sum: * quia judicia tua jucunda.

Ecce concupivi mandata tua: * in æqui-

tate tua vivifica me.

Et veniat super me misericordia tua
Domine: * salutare tuum secundum
eloquium tuum.

Et respondebo exprobantibus mihi ver-
bum: * quia speravi in sermonibus tuis.

Et ne auferas de ore meo verbum ve-
ritatis usquequaque: * quia in iudiciis
tuis supersperavi.

Et custodiam legem tuam semper, * in
sæculum, & in sæculum sæculi.

Et ambulabam in latitudine: * quia
mandata tua exquisivi.

Et loquebar in testimoniis tuis in conf-
pectu regum: * & non confundebar.

Et meditabar in mandatis tuis, * quæ
dilexi.

Et levavi manus meas ad mandata tua,
quæ dilexi: * & exercebar in justificatio-
nibus tuis. Gloria Patri, &c.

Memor esto verbi tui servo tuo, * in
quo mihi spem dedisti.

Hæc me consolata est in humilitate mea: *
quia eloquium tuum vivificavit me.

Superbi iniquè agebant usquequaque: *
à lege autem tua non declinavi.

Memor fui iudiciorum tuorum à sæculo
Domine : * & consolatus sum.

Defectio tenuit me , * pro peccatori-
bus dereliquentibus legem tuam.

Cantabiles mihi erant justificationes
tuæ , * in loco peregrinationis meæ.

Memor fui nocte nominis tui Domine : *
& custodivi legem tuam.

Hæc facta est mihi : * quia justificatio-
nes tuas exquisivi.

Portio mea Domine , * dixi custodire
legem tuam.

Deprecatus sum faciem tuam in toto
corde meo : * miserere mei secundum
eloquium tuum.

Cogitavi vias meas : * & converti pe-
des meos in testimonia tua.

Paratus sum , & non sum turbatus : *
ut custodiam mandata tua.

Funes peccatorum circumplexi sunt me : *
& legem tuam non sum oblitus.

Media nocte surgebam ad confitendum
tibi , * super iudicia justificationis tuæ.

Particeps ego sum omnium timentium
te , * & custodientium mandata tua.

Misericordia tua Domine plena est ter-

ra: * justificationes tuas doce me.

Gloria Patri, & Filio, &c.

Bonitatem fecisti cum seruo tuo Domine, * secundum verbum tuum.

Bonitatem, & disciplinam, & scientiam doce me: * quia mandatis tuis credidi.

Priusquam humiliarer, ego deliqui: * propterea eloquium tuum custodivi.

Bonus es tu: * & in bonitate tua doce me justificationes tuas.

Multiplicata est super me iniquitas superborum: * ego autem in toto corde meo scrutabor mandata tua.

Coagulatum est sicut lac cor eorum, * ego vero legem tuam meditatus sum.

Bonum mihi quia humiliasti me: * ut discam justificationes tuas.

Bonum mihi lex oris tui: * super milia auri & argenti.

Manus tuæ fecerunt me, & plasmaverunt me: * da mihi intellectum, & discam mandata tua.

Qui timent te, videbunt me, & lætabuntur: * quia in verba tua supersperavi.

Cognovi Domine quia æquitas iudicia tua: * & in veritate tua humiliasti me.

Fiat misericordia tua ut consoletur me, *
secundum eloquium tuum seruo tuo.

Veniant mihi miserationes tuæ, & vi-
vam: * quia lex tua meditatio mea est.

Confundantur superbi, quia injustè ini-
quitatem fecerunt in me: * ego autem
exercebor in mandatis tuis.

Convertantur mihi timentes te: * &
qui noverunt testimonia tua.

Fiat cor meum immaculatum in justifi-
cationibus tuis, * ut non confundar.

Gloria Patri, & Filio, &c.

Antiphona. Hæc est domus Domini fir-
miter ædificata: benè fundata est supra
firmam petram.

Capitulum. Prov. 8.

EGO diligentes me diligo: & qui ma-
nè vigilant ad me, invenient me. In
vijs justitiæ ambulo, ut ditem diligen-
tes me. Qui operantur in me, non pec-
cabunt. Qui elucidant me, vitam æter-
nam habebunt. *R.* Deo gratias.

R. breve. Liberasti me Domine, * Ex
ore leonis. Liberasti me Domine, *
Ex ore leonis. *Ps.* Et à cornibus unicor-
nium humilitatem meam. Ex ore leo-

nis. Gloria Patri, & Filio, & Spiritui
sancto. Liberasti me Domine, * Ex ore
leonis. *Ps.* Eruisti à fræmea Deus ani-
mam meam. *R.* Et de manu canis uni-
cam matrem meam.

Ps. Dominus vobiscum. *R.* Et cum spi-
ritu tuo. *Oratio.*

DEus, qui per immaculatam Virginis
Conceptionem, *ut supra fol. 13.*

Ps. Dominus vobiscum. *R.* Et cum spi-
ritu tuo. *Ps.* Benedicamus Domino. *R.* Deo
gratias. *Ps.* Fidelium animæ per misericor-
diam Dei requiescant in pace. *R.* Amen.

AD SEXTAM.

Pater noster. Ave Maria. *Ps.*

DEUS in adiutorium meum inten-
de. *R.* Domine ad adjuvandum
me festina. Gloria Patri, & Fi-
lio, & Spiritui Sancto. Sicut erat in prin-
cipio, & nunc, & semper, & in sæcula
sæculorum. Amen. Alleluia.

Hymnus.

Rector potens, verax Deus,
Qui temperas rerum vices,
Splendore manè illuminas,

Et ignibus meridiem.
Extingue flammam litium,
Aufer calorem noxium,
Confer salutem corporum,
Veramque pacem cordium.

Jesu, tibi sit gloria,
Qui natus es de Virgine,
Cum Patre & almo Spiritu,
In sempiterna sæcula. Amen.

Antiphona. Fundavit eam Altissimus.
Psalmus.

Defecit in salutare tuum anima mea: *
& in verbum tuum supersperavi.
Defecerunt oculi mei in eloquium tuum, *
dicentes: Quando consolaberis me?
Quia factus sum sicut uter in pruina: *
justificationes tuas non sum oblitus.
Quot sunt dies servi tui: * quando facies
de persequentibus me iudicium?
Narraverunt mihi iniqui fabulationes: *
sed non ut lex tua.
Omnia mandata tua veritas: * iniquè
persecuti sunt me, adjuva me.
Paulò minùs consummaverunt me in
terra: * ego autem non dereliqui man-
data tua.

Secundum misericordiam tuam vivifica
me : * & custodiam testimonia oris tui.

In æternum Domine , * verbum tuum
permanet in cœlo.

In generationem & generationem veritas
tua : * fundasti terram , & permanet.

Ordinatione tua perseverat dies : * quo-
niam omnia serviunt tibi.

Nisi quod lex tua meditatio mea est : *
tunc fortè periissem in humilitate mea.

In æternum non obliviscar justificationes
tuas : * quia in ipsis vivificasti me.

Tuus sum ego , salvum me fac : * quo-
niam justificationes tuas exquisivi.

Me expectaverunt peccatores ut perde-
rent me : * testimonia tua intellexi.

Omnis consummationis vidi finem : *
latum mandatum tuum nimis.

Gloria Patri , & Filio , &c.

Quomodo dilexi legem tuam Domi-
ne ? * tota die meditatio mea est.

Super inimicos meos prudentem me fe-
cisti mandato tuo : * quia in æternum
mihi est.

Super omnes docentes me intellexi : *
quia testimonia tua meditatio mea est.

Super senes intellexi: * quia mandata
tua quæsiui.

Ab omni via mala prohibui pedes me-
os: * ut custodiam verba tua.

A judiciis tuis non declinavi: * quia
tu legem posuisti mihi.

Quàm dulcia faucibus meis eloquia tua, *
super mel ori meo!

A mandatis tuis intellexi: * propterea
odivi omnem viam iniquitatis.

Lucerna pedibus meis verbum tuum, *
& lumen semitis meis.

Juravi, & statui * custodire judicia jus-
titiae tuæ.

Humiliatus sum usquequaque Domine; *
vivifica me secundum verbum tuum.

Voluntaria oris mei beneplacita fac Do-
mine: * & judicia tua doce me.

Anima mea in manibus meis semper: *
& legem tuam non sum oblitus.

Posuerunt peccatores laqueum mihi: *
& de mandatis tuis non erravi.

Hæreditate acquisivi testimonia tua in
æternum, * quia exultatio cordis mei sunt.

Inclinavi cor meum ad faciendas justifi-
cationes tuas in æternum, * propter re-
tributionem. Gloria Patri &c. 85 Iiii.

Iniquos odio habui: * & legem tu-
am dilexi.

Adjutor, & susceptor meus es tu: * &
in verbum tuum supersperavi.

Declinate á me maligni: * & scruta-
bor mandata Dei mei.

Suscipe me secundum eloquium tuum,
& vivam: * & non confundas me ab
expectatione mea.

Adjuva me, & saluus ero: * & meditabor
in justificationibus tuis semper.

Sperevisti omnes discedentes á judiciis
tuis: * quia injusta cogitatio eorum.

Prævaricantes reputavi omnes peccato-
res terræ: * ideo dilexi testimonia tua.

Confige timore tuo carnes meas: * á
judiciis enim tuis timui.

Feci iudicium, & iustitiam: * non tra-
das me calumniantibus me.

Suscipe servum tuum in bonum: * non
calumnientur me superbi.

Oculi mei defecerunt in salutare tuum: *
& in eloquium iustitiæ tuæ.

Fac cum servo tuo secundum miseri-
cordiam tuam: * & justificationes tuas
doce me.

Servus tuus sum ego : * da mihi intellectum , ut sciam testimonia tua.

Tempus faciendi Domine : * dissipaverunt legem tuam.

Ideo dilexi mandata tua , * super aurum & topazion.

Propterea ad omnia mandata tua dirigebat : * omniem viam iniquam odio habui.

Gloria Patri , & Filio , &c.

Antiphona. Fundavit eam Altissimus , qui super maria fundavit eam , & super flumina præparavit illam.

Capitulum. *Ezech. 44.*

PORTA hæc clausa erit : non aperietur , & vir non transibit per eam , quoniam Dominus Deus Israel ingressus est per eam , eritque clausa Principi. Princeps ipse sedebit in ea. *R.* Deo gratias.

R. breve. Eruisti à framea , * Deus animam meam. Eruisti à framea Deus animam meam. *Y.* Et de manu canis unicam matrem meam. Deus animam meam.

Gloria Patri , & Filio , & Spiritui sancto.

Eruisti à framea , * Deus animam meam.

Y. Verè Dominus est in loco sancto isto ,

& ego nesciebam. *R.* Non est hîc aliud ,

nisi domus Dei, & porta coeli.

ŷ. Dominus vobiscum. R. Et cum spiritu tuo.

Oratio.

Deus, qui per immaculatam Virginis Conceptionem, *ut supra fol. 13.*

ŷ. Dominus vobiscum. R. Et cum spiritu tuo. ŷ. Benedicamus Domino. R. Deo gratias. ŷ. Fidelium animæ per misericordiam Dei requiescant in pace. R. Amen.

AD NONAM.

Pater noster. Ave Maria. *fol. 22. & 23.* ŷ.

DEUS in adiutorium meum intende. R. Domine ad adjuvandum me festina. Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen. Alleluia.

Hymnus.

Rerum Deus tenax vigor,
Immotus in te permanens,
Lucis diurnæ tempora
Successibus determinans:
Largire lumen vespere,
Quo vita nusquam decidat,
Sed præmium mortis sacræ
Perennis instet gloria.

Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Antiphona. Fluminis impetus.

Psalms.

Mirabilia testimonia tua: * ideo scrutata est ea anima mea.

Declaratio sermonum tuorum illuminat: * & intellectum dat parvulis.

Os meum aperui, & attraxi spiritum: * quia mandata tua desiderabam.

Aspice in me, & miserere mei, * secundum judicium diligentium nomen tuum.

Gressus meos dirige secundum eloquium tuum: * & non dominetur mei omnis injustitia.

Redime me à calumniis hominum: * ut custodiam mandata tua.

Faciem tuam illumina super servum tuum: * & doce me justificationes tuas.

Exitus aquarum deduxerunt oculi mei: * quia non custodierunt legem tuam.

Justus es Domine: * & rectum judicium tuum.

Mandasti justitiam testimonia tua: * &

veritatem tuam nimis.

Tabescere me fecit zelus meus: * quia
obliti sunt verba tua inimici mei.

Ignitum eloquium tuum vehementer: *
& servus tuus dilexit illud.

Adolescentulus sum ego, & contemp-
tus: * justificationes tuas non sum oblitus.

Iustitia tua, iustitia in æternum: * &
lex tua veritas.

Tribulatio, & angustia invenerunt me: *
mandata tua meditatio mea est.

Æquitas testimonia tua in æternum: *
intellectum da mihi, & vivam.

Gloria Patri, & Filio, &c.

CLamavi in toto corde meo, exau-
di me Domine: * justificationes
tuas requiram.

Clamavi ad te, salvum me fac: * ut
custodiam mandata tua.

Preveni in maturitate, & clamavi: *
quia in verba tua supersperavi.

Prævenere oculi mei ad te diluculo: *
ut meditarer eloquia tua.

Vocem meam audi secundum miseri-
cordiam tuam Domine: * & secundum
iudicium tuum vivifica me.

Appropinquaverunt persequentes me
iniquitati: * à lege autem tua longè
facti sunt.

Propè es tu Domine: * & omnes viæ
tuæ veritas.

Initio cognovi de testimoniis tuis: *
quia in æternum fundasti ea.

Vide humilitatem meam, & eripe me: *
quia legem tuam non sum oblitus.

Judica judicium meum, & redime me: *
propter eloquium tuum vivifica me.

Longè à peccatoribus salus: * quia justi-
ficationes tuas non exquisierunt.

Misericordiæ tuæ multæ Domine: * se-
cundùm judicium tuum vivifica me.

Multi, qui persequuntur me, & tribulant
me: * à testimoniis tuis non declinavi.

Vidi prævaricantes, & tabescebam: * quia
eloquia tua non custodierunt.

Vide quoniam mandata tua dilexi Domi-
ne: * in misericordia tua vivifica me.

Principium verborum tuorum veritas: *
in æternum omnia judicia justitiæ tuæ.

Gloria Patri, & Filio, &c.

PRincipes persecuti sunt me gratis: * &
à verbis tuis formidavit cor meum.

Lætabor ego super eloquia tua, * sicut qui invenit spolia multa.

Iniquitatem odio habui, & abominatus sum: * legem autem tuam dilexi.

Septies in die laudem dixi tibi: * super judicia justitiæ tuæ.

Pax multa diligentibus legem tuam: * & non est illis scandalum.

Expectabam salutare tuum Domine: * & mandata tua dilexi.

Custodivit anima mea testimonia tua: * & dilexit ea vehementer.

Servavi mandata tua, & testimonia tua: * quia omnes viæ meæ in conspectu tuo.

Appropinquet deprecatio mea in conspectu tuo Domine: * juxta eloquium tuum da mihi intellectum.

Intret postulatio mea in conspectu tuo: * secundum eloquium tuum eripe me.

Eructabunt labia mea hymnum, * cum docueris me justificationes tuas.

Pronuntiabit lingua mea eloquium tuum: * quia omnia mandata tua æquitas.

Fiat manus tua, ut salvet me: * quoniam mandata tua elegi.

Concupivi salutare tuum Domine: *

& lex tua meditatio mea est.

Vivet anima mea, & laudabit te: * & iudicia tua adjuvabunt me.

Erravi, sicut ovis quæ periit: * quære servum tuum, quia mandata tua non sum oblitus. Gloria Patri, & Filio, &c.

Antiphona. Fluminis impetus lætificat civitatem Dei, sanctificavit tabernaculum suum Altissimus.

Capitulum.

Prov. 2.

BEATUS homo qui audit me, & qui vigilat ad fores meas quotidie, & observat ad postes ostij mei. Qui me invenerit, inveniet vitam, & hauriet salutem à Domino. *R.* Deo gratias.

R. breve. Verè Dominus est in loco sancto isto, * Et ego nesciebam. Verè Dominus est in loco sancto isto, * Et ego nesciebam. *Y.* Non est hîc aliud, nisi domus Dei, & porta cœli. Et ego nesciebam. Gloria Patri, & Filio, & Spiritui sancto. Verè Dominus est in loco sancto isto. Et ego nesciebam.

Y. Scalam vidit Jacob, cujus cacumen cœlum tangebatur. *R.* Angelos quoque descendentes, qui eam lumine replebant.

✠. Dominus vobiscum. R. Et cum spiritu tuo. *Oratio.*

Deus, qui per immaculatam Virginis Conceptionem, *ut supra, fol. 13.*

✠. Dominus vobiscum. R. Et cum spiritu tuo. ✠. Benedicamus Domino. R. Deo gratias. ✠. Fidelium animæ per misericordiam Dei requiescant in pace. R. Amen.

IN II. VESPERIS.

Pater noster. Ave Maria. *fol. 22.* ✠.

DEUS in adiutorium meum intende. R. Domine ad adjuvandum me festina. Gloria Patri, & Filio, & Spiritui Sancto. Sicut erat in principio, & nunc, & semper, & in sæcula sæculorum. Amen. Alleluia.

Antiphona. Nihil est candoris, nihil est splendoris, nihil est virtutis, quod non resplendeat in Virgine gloriosa.

Psalmus 109.

Dixit Dominus Domino meo: * Sede à dextris meis:

Donec ponam inimicos tuos, * scabellum pedum tuorum.

Virgam virtutis tuæ emittet Dominus

ex Sion: * dominare in medio inimicorum tuorum.

Tecum principium in die virtutis tuæ in splendoribus sanctorum: * ex utero ante luciferum genui te.

Juravit Dominus, & non pœnitebit eum: * Tu es sacerdos in æternum secundum ordinem Melchisedech.

Dominus á dextris tuis, * confregit in die iræ suæ reges.

Judicabit in nationibus, implebit ruinas: * conquassabit capita in terra multorum.

De torrente in via bibet: * propterea exaltabit caput.

Gloria Patri, & Filio, & Spiritui Sancto. Sicut erat in principio, & nunc, & semper, * & in sæcula sæculorum. Amen.

Antiphona. Nihil est candoris, nihil est splendoris, nihil est virtutis, quod non resplendeat in Virgine gloriosa.

Antiphona. Quæ neque serpentis persuasionem decepta, nec ejus venenosis afflatibus infecta est.

Psalmus 112.

L Audate pueri Dominum: * laudate nomen Domini.

Sit nomen Domini benedictum, * ex hoc
nunc, & usque in sæculum.

A solis ortu usque ad occasum, * lau-
dabile nomen Domini.

Excelsus super omnes gentes Dominus, *
& super cœlos gloria ejus.

Quis sicut Dominus Deus noster, qui in
altis habitat, * & humilia respicit in
cœlo, & in terra?

Suscitans à terra inopem, * & de ster-
core erigens pauperem.

Ut collocet eum cum principibus, * cum
principibus populi sui.

Qui habitare facit sterilem in domo: *
matrem filiorum lætantem.

Gloria Patri, & Filio, &c.

Antiphona. Quæ neque serpentis persua-
sione decepta, nec ejus venenosis affla-
tibus infecta est.

Antiphona. Hanc, quam tu dèspicis, Ma-
nichæe, mater mea est, & de manu mea
fabricata. *Psalmus 121.*

Lætatus sum in his, quæ dicta sunt mi-
hi: * in domum Domini ibimus.
Stantes erant pedes nostri, * in atriis
tuis Jerusalem.

Jerusalem, quæ ædificatur ut civitas: *
cujus participatio ejus in idipsum.

Illuc enim ascenderunt tribus, tribus
Domini: * testimonium Israel ad con-
fitendum nomini Domini.

Quia illic sederunt sedes in judicio: *
sedes super domum David.

Rogate, quæ ad pacem sunt Jerusalem: *
& abundantia diligentibus te.

Fiat pax in virtute tua: * & abundan-
tia in turribus tuis.

Propter fratres meos, & proximos
meos, * loquebar pacem de te.

Propter domum Domini Dei nostri, *
quæ sivi bona tibi. Gloria Patri, &c.

Antiphona. Hanc, quam tu dèspicis, Ma-
nichæ, mater mea est, & de manu mea
fabricata.

Antiphona. Decuit Virginem eâ puritate
nitère, qua major sub Deo nequit in-
telligi. *Psalmus* 126.

Nisi Dominus ædificaverit domum, *
in vanum laboraverunt, qui ædi-
ficant eam.

Nisi Dominus custodierit civitatem, *
frustrà vigilat, qui custodit eam.

Vanum est vobis ante lucem surgere: *
surgite postquam sederitis, qui man-
ducatis panem doloris.

Cum dederit dilectis suis somnum: *
ecce hæreditas Domini, filii; merces,
fructus ventris.

Sicut sagittæ in manu potentis, * ita
filii excussorum.

Beatus vir, qui implevit desiderium su-
um ex ipsis: * non confundetur cum
loquetur inimicis suis in porta.

Gloria Patri, & Filio, &c.

Antiphona. Decuit Virginem ea puritate
nitere, qua major sub Deo nequit in-
telligi.

Antiphona. Hæc est virga, in qua nec no-
dus originalis, nec cortex actualis culpæ
fuit.

Psalms 147.

Lauda Jerusalem Dominum: * lau-
da Deum tuum Sion.

Quoniam confortavit seras portarum
tuarum: benedixit filiis tuis in te.

Qui posuit fines tuos pacem: * & adi-
pe frumenti satiat te.

Qui emittit eloquium suum terræ: * ve-
lociter currit sermo ejus.

Qui dat nivem sicut lanam : * nebulam
sicut cinerem spargit.

Mittit crystallum suam sicut buccellas : *
ante faciem frigoris ejus quis sustinebit?
Emittet verbum suum, & liquefaciet ea : *
flabit spiritus ejus, & fluent aquæ.

Qui annuntiat verbum suum Jacob : *
justitias, & judicia sua Israel.

Non fecit taliter omni nationi : * & judi-
cia sua non manifestavit eis. Gloria.

Antiphona. Hæc est virga, in qua nec no-
dus originalis, nec cortex actualis culpæ
fuit. *Capitulum.* *Prov. 8.*

EGO diligentes me diligo : & qui ma-
nè vigilant ad me, invenient me. In
vijs justitiæ ambulo, ut ditem diligen-
tes me. Qui operantur in me, non pec-
cabunt. Qui elucidant me, vitam æter-
nam habebunt. &. Deo gratias.

Hymnus.

AVE maris stella,
Dei Mater alma,
Atque semper Virgo,
Felix coeli porta.
Sumens illud Ave,
Gabrielis ore,

Funda nos in pace,
Mutans Hevæ nomen.
Solve vincla reis,
Profer lumen cæcis,
Mala nostra pelle,
Bona cuncta posce.
Monstra te esse matrem,
Sumat per te preces,
Qui pro nobis natus,
Tulit esse tuus.
Virgo singularis,
Inter omnes miris,
Nos culpis solutos,
Mites fac, & castos.
Vitam præsta puram,
Iter para tutum,
Ut videntes Jesum,
Semper collætetur.
Sit laus Deo Patri,
Summo Christo decus,
Spiritu Sancto,
Tribus honor unus. Amen.

ψ. Domine, dilexi decorem Domus tuæ.

ϣ. Et locum habitationis gloriæ tuæ.

Ad Magnificat, Antiphona.

Unica est columba mea, una est perfecta

mea, una est genitricis suæ electa: viderunt eam animæ sanctæ, & immaculatam prædicaverunt: alleluya.

Cantic. B. Mariæ Virg. Luc. i.

Magnificat * anima mea Dominum:
Et exultavit spiritus meus * in Deo
salutari meo.

Quia respexit humilitatem ancillæ suæ: *
ecce enim ex hoc beatam me dicent
omnes generationes.

Quia fecit mihi magna qui potens est: *
& sanctum nomen ejus.

Et misericordia ejus à progenie in progenies *
timentibus eum.

Fecit potentiam in brachio suo: *
dispersit superbos mente cordis sui.

Deposuit potentes de sede, * & exaltavit humiles.

Esfurientes implevit bonis: * & divites dimisit inanes.

Suscepit Israel puerum suum, * recordatus misericordiæ suæ.

Sicut locutus est ad patres nostros, *
Abraham, & semini ejus in sæcula.

Gloria Patri, & Filio, &c.

Antiphona. Unica est columba mea, una

est perfecta mea, una est genitricis suæ
electa: viderunt eam animæ sanctæ, &
immaculatam prædicaverunt: alleluya.

Ÿ. Dominus vobiscum. R. Et cum spi-
ritu tuo. *Oratio.*

DEUS, qui per Immaculatam Virgi-
nis Conceptionem dignum Filio
tuo habitaculum præparasti: quæsumus,
ut qui ex morte ejusdem Filij sui præ-
visa, eam ab omni labe præservasti: nos
quoque mundos ejus intercessionem ad te
pervenire concedas. Per eundem Dñm.

*Et fit commemoratio, vel Dominicæ, si
occurrat, vel concurrat; vel Ferie occur-
rentis.*

Ÿ. Dominus vobiscum. R. Et cum spiri-
tu tuo. Ÿ. Benedicamus Domino. R. Deo
gratias. Ÿ. Fidelium animæ per miseri-
cordiam Dei requiescant in pace. R.
Amen.

DIE IX. DECEMBRIS.

*Secunda die infra octavam Immaculatæ
Conceptionis B. Mariæ V. in Hispania fit
de S. Leocadia Virg. & Mart. Dup. cum
commemoratione octava, ac Ferie.*

Si hodie, vel alia die infra octavam,

occurrat Dominica ii. Adventus, fit de ea,
cum commemoratione octava.

DIE X. DECEMBRIS.

Tertia die infra octavam, in Hispania
fit de Translatione almae Domus B. Mariae
V. Dup. Commemoratio Ferie, ac S. Mel-
chiadis Pp. & Mart. & nihil de octava.

DIE XI. DECEMBRIS.

Quarta die infra octavam, fit de S. Da-
maso Papa, & Conf. sem. cum commemora-
tione octava, ac Ferie.

DIE XII. DECEMBRIS.

Quinta die infra oct. in hac Diocesi
Majoricensi, fit de S. Eulalia Emeritensi
Virg. & Mart. Dup. in Hispania, est enim
dies fixa, & assignata, à die 10. hujus:
cum commemoratione octavae, ac Ferie.

DIE XIII. DECEMBRIS.

Sexta die infra oct. fit de S. Lucia Virg.
& Mart. Dup. cum commemoratione octa-
va, ac Ferie.

DIE XIV. DECEMBRIS.

Septima die infra oct. De octava: semi-
duplex. Commemor. Ferie.

IN I. NOCTURNO.

Lectiones de scriptura occur. B. B. veró
de

de octava. Si autem in hac die occurrat Feria iv. Quatuor Temp. Lect. i. noct. leguntur, ut in die Festi, & Lectio ix. de Homilia Ferie, ac illius commemor.

IN II. NOCTURNO.

Ex libro Sancti Augustini Episcopi.

De Genesi contra Manich.

Lectio iv.

Dominus noster Jesus Christus (ut inquit Apostolus) factus est ex semine David secundum carnem, idest, tamquam de limo terræ, cum homo non esset qui operaretur in terra, quia nullus homo operatus est in Virgine, de qua natus est Christus. Fons autem ascendebat de terra, & irrigabat omnem faciem terræ. Facies terræ, idest, dignitas terræ, mater Domini virgo Maria rectissimè accipitur, quam irrigavit Spiritus Sanctus, qui fontis, & aquæ nomine in Evangelio significatur: ut qualis Adam de limo terræ, talis homo ille fieret. Qui constitutus est in paradiso, ut operaretur ibi, & custodiret: idest, in voluntate Patris, ut eam impleret, atque servaret.

Et Equitatu meo in curribus Pharaonis
assimilavi te, amica mea: pulchræ sunt
genæ tuæ, sicut turturis. * Faciamus ad-
jutorium simile sibi.

Et. Eò quòd castitatem amaveris, vi-
rumque nescieris: ideo & manus Domi-
ni confortavit te, & eris benedicta in
æternum. Faciamus.

*Ex lib. ejusdem de Natura, & gra-
tia contra Pelagianos.*

Lectio v.

CUM de peccatis agitur, de sancta
Virgine Maria, propter honorem
Domini, nullam prorsus habere volo
quæstionem. Inde enim scimus, quod ei
plus gratiæ collatum fuerit ad vincen-
dum omni ex parte peccatum, quòd
concipere, & parere meruit eum, quem
constat nullum habuisse peccatum. Hac
ergo Virgine excepta, si omnes illos
Sanctos, & Sanctas, qui in Scripturis
sanctis, non modo non peccasse, verum
etiam justè vixisse, referuntur, cum hîc
viverent, congregare possemus, & inter-
rogare, utrum essent sine peccato: quid
fuisse responsuros putamus? Quantalibet

fuerint in hoc corpore excellentia sanctitatis, si interrogari potuissent, una voce clamassent illud, quod ait Joannes Apostolus: Si dixerimus, quia peccatum non habemus, ipsi nos seducimus, & veritas in nobis non est.

℞. Fac tibi arcam de lignis lævigatis. Ruptique sunt fontes abyssi magnæ. * Et factum est diluuium peccati super omnem terram.

℥. Arca vero Deifera elevata est in sublime, & ferebatur super aquas, operique sunt omnes montes excelsi Sanctorum. Et factum.

Ex libro S. Ildefonsi Archiepiscopi Toletani.

*Contra eos, qui disputant de virginitate,
& parturitione B. Mariae.*

Lectio vi.

Totum quidquid in Maria fuit, possedit Spiritus Sanctus; quoniam virtus Altissimi eam obumbravit. Quod si virtus Altissimi ab omni æstu peccati eam obumbravit in conceptu, & in partu, sicut ab omni æstu libidinis libera fuit: ita & ab omni pressura maledictionis,

nis, non ex sese, sed ex virtute Altissimi immunis, & aliena fuit. Quapropter cogitent isti disputatores naturarum leges, cogitent & divinarum rerum virtutem: quia non ex natura rerum divinæ leges pendent, sed ex divinis legibus naturæ rerum & leges manare probantur.

℞. Fiat mihi sanctuarium, & habitabo in medio eorum. Arcam de lignis Setim compingite, & deaurabis eam auro mundissimo intus & foris. * Et pones super mensam panes propositionis in conspectu meo semper.

℥. Inspice, & fac secundum exemplar, quod tibi in monte monstratum est. Et pones. Gloria Patri. Et pones.

IN III. NOCTURNO.

Lectio S. Evangelij secundum Lucam.

Lectio vii.

Cap. II.

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit. Et reliqua.

De Homilia S. Bonaventuræ Episcopi.

In Comment. sup. Luc. II.

LAudat hæc mulier Christum Dei Filium, extollens laudis ejus præconium ex beatitudine matris, quasi dicat: Beata mulier, quæ portavit tam bonum filium. Et rectè: quia decebat sexum foemineum sic laudare. Nec tantùm foeminas, immo etiam viros. Nam supra dixit Virgo: Ex hoc beatam me dicent omnes generationes. Fuit autem venter Virginis beatus propter tria privilegia, quia (ut dicit Bernardus) fuit sine corruptione foecunda, sine gravedine gravis, & sine dolore puerpera. Unde dici potest illud Isaïæ: Quis audivit umquam tale? & quis vidit huic simile?

℞. Omnes moriemini, quia in Adam peccavistis: quid habes, Esther elevata in populis? Ego sum frater tuus, noli timere, non morieris. * Non enim pro te, sed pro omnibus hæc lex constituta est.

℥. Non extinguetur in nocte lucerna tua, & non timebis à frigore nivis. Non.

Lectio viii.

FUIT etiam beatus propter tria miracula. Primum est, conjunctio infinite distantium. Deus enim ibi factus est ho-

mo, Creator creatura, Immensus parvus, Verbum infans, Æternus temporalis: secundum illud Joannis: Et Verbum caro factum est. Secundum miraculum est, quia qui fecit ventrem, factus est in ventre. Unde in Psalmis dicitur: Gloriosa dicta sunt de te, civitas Dei. Et post: Homo natus est in ea: & ipse fundavit eam Altissimus. Tertium miraculum, quia qui continet omnia, continetur in ventre: & ille ibi capitur, quem totus non capit Orbis. Unde cantat Ecclesia: Quia quem cœli capere non poterant, tuo gremio contulisti.

℞. Filius meus parvulus est, & delicatus. Domus, quam ædificari volo, talis esse debet, ut in cunctis nationibus nominetur: * Et ob hanc causam ante mortem suam omnes præparavit impensas.

℣. Elegi, & sanctificavi locum istum, ut sit nomen meum ibi in sempiternum, & permaneant oculi mei, & cor meum ibi cunctis diebus. Et ob. Gloria Patri. Et ob.

Lectio ix.

NEC tantum beatificat ventrem propter portationem, sed ubera propter

ter lactationem, cum subjungit: Et ubera quæ suxisti. Ex quo datur intelligi, quòd á solis uberibus beatissimæ Virginis lactatus fuit. Quod designatum fuit in Moyse, qui lactari (ut dicitur) noluit á muliere Ægyptiaca. Et ideo quæsitâ fuit mulier Hebræa, scilicet mater propria, sicut in Exodo legitur. Ideo autem junxit ista duo, ut ostenderetur Virgo Maria fuisse mater Christi vera, & perfecta: quia non solum genuit: sed & educavit: & sicut verè educavit, ita verè genuit.

Te Deum.

AD VESPERAS.

Si hodie factum fuerit Officium de octava, Vesperæ erunt Duplices de Die octava Immaculatae Conceptionis B. Mariæ V. ut in primis Vesperis Festi, cum commemor. Ferie. Sic etiam, si factum fuerit de Duplici translato, quamvis sit Duplex majus: cum commemor. ipsius Duplicis translati, ac Ferie. At hodie nihil de S. Eusebio Epis. & Mart. Si autem hæc dies xiv. occurrerit in Sabbato, & factum fuerit Officium de octava, Vesperæ erunt de Ferie, ut in

Psalterio, Cap. Dominica Advent. sequentis, cum commemor. Diei octava, ut in 1. Vesperis Festi.

Si tandem hac dies xiv. occurrit in Sabbato, & alicubi factum fuerit Officium de S. Semiduplici, tanquam in die propria & fixa, Vespera erunt de ipso S. Semiduplici; Capitulum verò de Dominica Adventus sequenti, cum commemor. S. Semiduplicis precedentis, & Diei octava, ut in 1. Vesperis Festi.

DIE XV. DECEMBRIS.

Octava Immaculata Conceptionis B.M.V. Dup. Omnia, ut in die, præter sequentia.

IN I. NOCTURNO.

Lect. scrip. occur. Bx. de oct. Si autem in hac die occurrat Feria iv. Quatuor Temporum, Lectiones 1. noct. leguntur, ut in Die Festi, cum ix. lectione de Homilia Feria, & illius commemor.

IN II. NOCTURNO.

Ex libro Sancti Anselmi Episcopi.

De excellentia Virginis.

Lectio iv.

Summa Dei sapientia nullam in massa creationis humanæ viam invenit, per
quam

quam (ut disposuerat) in mundum veniens , tam luctuosæ perditioni subveniret , donec ad istam , de qua loquimur , Virginem ventum esset . Sed hæc mox , ubi in mundum per humanæ generationis lineam venit : tanta omnis boni virtute , & constantia perfectè resplenduit , ut eam ipsa sapientia Dei verè dignam judicaret , per quam in homine veniens , non modo reatum primorum hominum , sed & totius mundi peccata deleret , & diabolum sui operis inimicum cum suis elideret , necnon damna cœlestis patriæ illuc hominem deducendo redintegraret .

℞. Equitatu meo in curribus Pharaonis assimilavi te , amica mea : pulchræ sunt genæ tuæ , sicut turturis . * Faciamus adiutorium simile sibi .

℥. Eò quòd castitatem amaveris , virumque nescieris : ideo & manus Domini confortavit te , & eris benedicta in æternum . Faciamus .

Ex libro ejusdem de Conceptu Virginali .

Lectio v .

DEcebat , ut Christi conceptio de matre purissima fieret . Nempè decens

erat, ut ea puritate, qua major sub Deo nequit intelligi, Virgo illa nitèret: cui Deus Pater unicum Filium suum, quem de corde suo æqualem sibi genitum tamquam seipsum diligebat, ita dare disponebat, ut naturaliter esset unus, idemque communis Dei Patris, & Virginis Filius, & quam ipse Filius substantialiter facere sibi matrem eligebat, & de qua Spiritus Sanctus volebat, & operaturus erat, ut conciperetur, & nasceretur ille, de quo procedebat.

℞. Fac tibi arcam de lignis lævigatis. Ruptique sunt fontes abyssi magnæ. * Et factum est diluvium peccati super omnem terram.

℥. Arca verò Deifera elevata est in sublime, & ferebatur super aquas, opertique sunt omnes montes excelsi Sanctorum. Et factum.

Ex dictis diversorum Sanctorum.

Ex Presbyteris Achaia, ut refert

Aloys. Lippom.

Lectio vi.

ANdreas Apostolus: Quomodo de immaculata terra factus fuerat ho-

mo primus, necessarium fuit, ut de immaculata Virgine natus Christus, vitam æternam, quam omnes perdiderant, repararet. Augustinus: Sicut primus Adam de limi materia figuratus est, ita secundus Adam, quasi de intacta, ac rudi terra, de Virginis carne formatus est. Hieronymus: Hæc est hortus conclusus, fons signatus, puteus aquarum viventium, ad quam nulli potuerunt doli irrumperere, nec prævaluit fraus inimici, sed permansit sancta mente, & corpore, multis donorum privilegijs sublimata. Idem in Psalmos: Pulchrè Propheta appellat Virginem nubem diei. Nubes enim illa non fuit in tenebris, sed semper in luce. Anselmus: O benedicta super mulieres, quæ Angelos vincis puritate, & Sanctos superas pietate.

℞. Fiat mihi sanctuarium, & habitabo in medio eorum. Arcam de lignis Setim compingite, & deaurabis eam auro mundissimo intus, & foris. * Et pones super mensam panes propositionis in conspectu meo semper.

℣. Inspice, & fac secundum exemplar,

quod tibi in monte monstratum est. Et
pones. Gloria Patri. Et ponēs.

IN III. NOCTURNO.

Lectio S. Evangelij secundum Lucam.

Lectio vii.

Cap. 11.

IN illo tempore : Loquente Jesu ad
turbas, extollens vocem quædam
mulier de turba, dixit illi : Beatus ven-
ter, qui te portavit. Et reliqua.

De Homilia S. Bonaventuræ Episcopi.

In Comment. sup. Luc. 11.

AT ille dixit : Quinimò beati qui
audiunt verbum Dei. Hoc non di-
xit adversando, sed potius superaddendo,
quasi diceret : Non solum beatus venter,
qui portavit me Verbum caro factum :
verum etiam beator, qui suscipit ver-
bum à me prolatum. Unde & Maria non
tantum beata fuit, quia Christum gesta-
vit in carne, verum etiam beator, quia
ipsum perfectissimè gestavit in mente, se-
cundum quod dicit Augustinus : Beator
fuit Maria concipiendo fidem Christi,
quam carnem Christi. Beatus est enim
omnis qui audit, & obèdit, secundum
illud ipsius Domini apud Joannem : Si

hæc scitis, beati eritis, si feceritis ea.
Et ideo subdit: Et custodiunt illud.

R. Omnes moriemini, quia in Adam peccavistis: quid habes, Esther elevata in populis? Ego sum frater tuus, noli timere, non morieris. * Non enim pro te, sed pro omnibus hæc lex constituta est.

V. Non extinguetur in nocte lucerna tua, & non timebis à frigore nivis. Non.

Lectio viii.

IN quo verbo Christus noluit laudari matris cognationem carnalem per se (nam & supra Joannes dixit Judæis: Ne cœperitis dicere: Patrem habemus Abraham) sed spirituales: quia sanctior est copula mentium, quam corporum. Et ideo cum quærerent eum mater, & fratres ejus, dixit: Quicumque fecerit voluntatem Patris mei, qui in cœlis est, ipse meus frater, soror, & mater est. Et propter hoc virgo Maria fuit laudabilis in concipiendo, quia fide concepit. Et ideo dixit ei Elisabeth: Beata quæ credidisti, quoniam perficientur ea, quæ dicta sunt tibi à Domino.

R. Filius meus parvulus est, & delicatus.

catus. Domus, quam ædificari volo, talis esse debet, ut in cunctis nationibus nominetur. * Et ob hanc causam ante mortem suam omnes præparavit impensas.

ÿ. Elegi, & sanctificavi locum istum, ut sit nomen meum ibi in sempiternum, & permaneant oculi mei, & cor meum ibi cunctis diebus. Et ob. Gloria Patri. Et ob.

Lectio ix.

EX quo apparet mira commendatio veritatis, quæ omnes sibi adhærentes beatos efficit: non solum adhærentes carnali cognatione, ut Virgo Maria; verum etiam spiritali dilectione, sicut quælibet anima sancta. Ut enim dicit Augustinus: Beatitudo est gaudium de veritate. Ad quod gaudium devenient, qui veritatem audiunt, diligunt, & faciunt, secundum illud Ecclesiastici: Qui audit me, non confundetur: & qui operantur in me, non peccabunt. Qui elucidant me, vitam æternam habebunt. Te Deum.

Hodie in Laudibus non fit commemor. S. Eusebij Epif. & M. de eo enim fit die sequenti, ritu semiduplici.

*Si hæc Dies octava occurrit in Dominica
iii. Adventus, Officium fit de ea, cum com-
memor. Diei octava in Laudibus, in Missa,
& in ii. Vesperis; ac sine precibus.*

In ii. Vesperis Diei octava Conceptionis omnia dicuntur, ut in ii. Vesperis Festi: cum commemor. S. Eusebij Epif. & Mart. ac Feria.



COMMEMORATIONES

Dominicarum, ac Feriarum Adventus,
quæ infra hanc octavam Immaculatæ
Conceptionis B. Mariæ V. occur-
rere possunt.

DOMINICA PRIMA

Adventus.

Feria 5. infra hebdomadam primam
Adventus.

*Ad Magnificat, Añã. Expectabo Domi-
num Salvatorem meum, & præstolabor
cum dum prope est: alleluya.*

*ÿ. Rorate cœli desuper, & nubes plu-
ant justum. R. Aperiatur terra, & ger-
minet Salvatorem.*

Oratio.

EXcita, quæsumus Dñe, potentiam tuam, & veni: ut ab imminentibus peccatorum nostrorum periculis, te mereamur protegente eripi, te liberante, salvari. Qui vivis.

Et hæc oratio dicitur per hebdomadam.



FERIA VI.

Ad Benedictus, Añã. Ecce veniet Deus & homo de domo David sedere in throno: alleluya.

ψ. Vox clamantis in deserto, Parate viam Dñi. R. Rectas facite sèmitas ejus.

Oratio. Excita, quæsumus Dñe. *ut supra.*

In 2. vesp. Purissimæ Concep. extra Sabbatum, fit commemor. S. Leocadiæ Virg. & Mart. Añã. Veni Sponsa Christi.

ψ. Specie tua. *Oratio.*

BEATÆ Leocadiæ virginis & martyris tuæ, quæsumus Dñe, precibus & meritis adjuvemur: ut quæ pro tui nominis confessione carceres & mortem pertulit, suo nos patrocinio ab æterno carcere defendat.

Deinde fit commemor. Feria 6. Ad Magnificat, Añã. Ex Ægypto vocavi Filium meum: veniet, ut salvet populum suum.

ÿ. Rorate. Oratio. Excita, quæsumus Domine. fol. 117.



SABBATO.

Ad Benedictus, Añã. Sion, noli timere, ecce Deus tuus veniet: alleluya.

ÿ. Vox clamantis. Oratio. Excita, quæsumus Dñe, potentiam tuam. fol. 117.

Ad Magnificat, Añã. Veni, Dñe, visitare nos in pace, ut lætemur coram te corde perfecto.

ÿ. Rorate. Oratio.

EXcita, Dñe, corda nostra ad præparandas Unigeniti tui vias: ut per ejus adventum, purificatis tibi mentibus servire mereamur. Qui tecum.

Hæc oratio dicitur in Dominica 2. Adventus, & in ejus hebdomada.

DOMINICA SECUNDA

Adventus.

AD Benedictus, Añã. Joannes autem cum audisset in vinculis opera

Christi, mittens duos ex discipulis suis, ait illi: Tu es, qui venturus es, an alium expectamus?

Ÿ. Vox clamantis. *Oratio.* Excita, Dñe, corda nostra. *fol.* 118.

Ad Magnificat, Añá. Tu es qui venturus es, an alium expectamus? Dicite Joanni quæ vidistis: Ad lumen redeunt cæci, mortui resurgunt, pauperes evangelizantur: alleluia.

Ÿ. Rorate. *Oratio.* Excita, Dñe, corda nostra. *fol.* 118.

¶ *Si in 2. vesp. facienda est commemor. S. Leocadia, vide supra fol.* 117.



FERIA II.

Ad Benedictus, Añá. De coelo veniet Dominator Dñs, & in manu ejus honor, & imperium.

Ÿ. Vox clamantis. *Oratio.* Excita, Dñe. *fol.* 118.

Ad Magnificat, Añá. Ecce veniet Rex Dñs terræ, & ipse auferet jugum captivitatis nostræ.

Ÿ. Rorate. *Oratio.* Excita, Dñe. *fol.* 118.

¶ Si in 2. vesp. facienda est commemor.
S. Leocadia, vide supra fol. 117.



FERIA III.

Ad Benedictus, Añã. Super te, Jeru-
salem, orietur Dñs, & gloria ejus in
te videbitur.

Ÿ. Vox clamantis. *Oratio.* Excita, Dñc.
fol. 118.

Ad Magnificat, Añã. Vox clamantis in
deserto, Parate viam Dñi, rectas facite
sémitas Dei nostri.

Ÿ. Rorate. *Oratio.* Excita, Dñc. fol. 118.

¶ Si in 2. vesp. facienda est commemor.
S. Leocadia, vide supra fol. 117.



FERIA IV.

Ad Benedictus, Añã. Ecce ego mitto
Angelum meum, qui præparabit viam
meam ante faciem tuam.

Ÿ. Vox clamantis. *Oratio.* Excita, Dñc.
fol. 118.

Ad Magnificat, Añã. Sion, renovà-
beris, & videbis iustum tuum, qui ventu-
rus est in te.

✠. Rorate. *Oratio.* Excita, Dñe. fol. 118.

¶ *Si in 2. vesp. facienda, est commemor.*
S. Leocadia, vide supra fol. 117.



FERIA V.

Ad Benedictus, Añã. Tu es qui venturus es, Dñe, quem expectamus, ut saluum facias populum tuum.

✠. Vox clamantis. *Oratio.* Excita, Dñe. fol. 118.

Ad Magnificat, Añã. Qui post me veniet, ante me factus est, cujus non sum dignus calceamenta sòlvere.

✠. Rorate. *Oratio.* Excita, Dñe. fol. 118.

¶ *Si in 2. vesp. facienda est commemor.*
S. Leocadia, vide supra fol. 117.



FERIA VI.

Ad Benedictus, Añã. Dicite, Pusillamines confortamini: ecce Dñs Deus noster veniet.

✠. Vox clamantis. *Oratio.* Excita, Dñe. fol. 118.

In die Octava Purif. Conceptionis B. Mariae V. extra Sabbatum occurrente, in


2. vesp. fit commemor. S. Eusebii Epif.
& Mart. de quo fit die sequente. Añã.
Iñe Sanctus. V. Gloria, & honore.

Oratio.

DEUS, qui nos Beati Eusebii Mar-
tyris tui, atque Pontificis solem-
nitate lætificas, concede propitius: ut
cujus natalitia colimus, de ejusdem eti-
am protectione gaudeamus.

*Deinde fit Commemor. Feria 6. occu-
rentis. Añã. Cantate Dño canticum no-
vum: laus ejus ab extremis terræ.*

V. Rorate. *Oratio.* Excita, Dñe. fol. 118.



SABBATO.

*Ad Benedictus, Añã. Levabit Dñs fig-
num in nationibus, & congregabit dis-
persos Israel.*

V. Vox clamantis. *Oratio.* Excita, Dñe.
fol. 118.

*Ad Magnificat, Añã. Ante me non est
formatus Deus, & post me non erit:
quia mihi curvabitur omne genu, &
confitebitur omnis lingua.*

V. Rorate. *Oratio.*

A Urem tuam, quæsumus Dñe, precibus nostris accommoda: & mentis nostræ tenebras gratiâ tuæ visitationis illustra. Qui vivis, & regnas.

Hac oratio dicitur in Dominica 3. Adventus, & in ejus hebdomada, nisi aliter notetur.

¶ *Si in 2. vesp. facienda est commemor. S. Eusebii tanquam Simpl. vide fol. 122.*

DOMINICA TERTIA.

Adventus.

A D *Benedictus*, *Añã*. Super solium David, & super regnum ejus sedebit in æternum: alleluya.

ʋ. *Vox clamantis. Oratio. Aurem tuam. ut supra.*

Ad Magnificat, Añã. Beata es Maria, quæ credidisti Dño: perficientur in te quæ dicta sunt tibi à Dño: alleluya.

ʋ. *Rorate. Oratio. Aurem tuam. ut supra.*

¶ *Si in 2. vesp. facienda est commemor. S. Eusebii, vide fol. 122.*



FERIA II.

Ad Benedictus, Añã. Egredietur virga

de radice Jesse, & replebitur omnis terra gloria Dñi: & videbit omnis caro salutare Dei.

✠. Vox clamantis. *Oratio.* Aurem tuam. fol. 123.

Ad Magnificat, Aña. Beatam me dicent omnes generationes, quia ancillam humilem respexit Deus.

✠. Rorate. *Oratio.* Aurem tuam. fol. 123.

¶ *Si in 2. vesp. facienda est commemor. S. Eusebii, vide fol. 122.*



FERIA III.

Ad Benedictus, Aña. Tu Bethlehem terra Juda, non eris minima: ex te enim exiet Dux, qui regat populum meum Israel.

✠. Vox clamantis. *Oratio.* Aurem tuam. fol. 123.

Ad Magnificat, Aña. Elevare, elevare, confurge Jerusalem: solve vincula colli tui, captiva filia Sion.

✠. Rorate. *Oratio.* Aurem tuam. fol. 123.

¶ *Si in 2. vesp. facienda est commemor. S. Eusebii, vide fol. 122.*

FERIA IV.

Quatuor Temporum, ad Benedictus, Añã.
Missus est Gabriel Angelus ad Mariam
virginem desponsatam Joseph.

ŷ. Vox clamantis. *Oratio.*

Præsta, quæsumus Omnipotens Deus:
ut redemptionis nostræ ventura so-
lemnitas, & præsentis nobis vitæ subsi-
dia cónferat, & æternæ beatitudinis præ-
mia largiatur. Per Dñm nostrum.

Ad Magnificat, Añã. Ecce ancilla Dñi:
fiat mihi secundum verbum tuum.

ŷ. Rorate. *Oratio.* Aurem tuam. *ut su-
pra fol. 123.*

¶ *Si in 2. vesp. facienda est commemor.*
S. Eusebii, vide fol. 122.

FERIA V.

Ad Benedictus, Añã. Vigilate animo,
in proximo est Dominus Deus noster.

ŷ. Vox clamantis. *Oratio.* Aurem tuam.
ut supra fol. 123.

In 2. vesp. fit commemor. S. Eusebii Epis. &

Mart.

Mart. ut supra fol. 122. Postea fit commemor. Feria 5. occurrentis, Añã. Lætamine cum Jerusalem, & exultate in ea omnes qui diligitis eam, in æternum. V. Rorate. Oratio. Aurem tuam. ut supra fol. 123.

BULLA

CONCESSIONIS, ET EXTENSIONIS
præinserti Officii ad omnia Regna Serenissimo, ac Catholico Hispaniarum,
& Indiarum Regi subjecta.

CLEMENS Episcopus, servus servorum Dei.
Ad perpetuam rei memoriam.

QUUM primum, Divina disponente voluntate factum est, ut humilitas nostra turbulentis præsertim Christianæ Reipublicæ temporibus ad universalis Ecclesiæ regimen extolleretur, jam inde ea cogitare, & agere assidue non desistimus, quæ ad promovendum, & propagandum Inclytæ, & Gloriosæ semper Virginis Mariæ cultum inter fideles Populos maxime conducere, ideo potissimum, ut nobis, & universæ Catholicæ Ecclesiæ speciali pietate

Christi Filij sui *Supremi Ecclesie Capitis* favore, & gratiam protectionis conciliaret, *minora tamen, quam nostrum desiderium explere possint, semper erunt reverentia, & venerationis signa, quae in terris praebentur, ad cumulandam, & ad augendam Gloriam hujus praeteris electae Creaturae, quae quidem ex ore Altissimi prodijt, & in omni Gente Primatum tenuit: Proinde obortas libenti animo amplectimur occasiones, quibus nova ipsi honoris obsequia tribuantur, ac maxime letamur, Potentissimum Regem, qui in hac re non ita pridem aperuit animum suum, tam mirifice cum nostro consentientem, rursus in precibus amplificationem aliam talis Cultus pro suis vastissimis Regnis, & Ditionibus exposcere; Nobis siquidem Regio nomine Charissimi in Christo Filij nostri Caroli Hispaniarum Regis Catholici Dilectus Filius Emmanuel de Roda dicti Caroli Regis Consiliarius, & modò apud Nos negotiorum ejusdem Caroli Regis Minister supplicem porrexit Libellum, cujus tenor est.*

Beatissime Pater. Cum Sanctitas vestra enixis Catholici Regis votis benigne annuens, Beatissimam Virginem Deiparam in Sacrosancto ejusdem Immaculate Conceptionis Mystero, Hispaniarum, Indiarumque Ditionum à Comitibus totius Nationis Hispaniae in ipsius auf-

picatissimo Regni exordio habitis, Patronam,
& Advocatam specialem communi consentione
nuncupatam, & delectam Apostolicis Litteris
aurea Bulla munitis, sexto Idus Novembris,
Anni millesimi septingentesimi sexagesimi con-
cesserit, & confirmaverit, simulque venerandi
Mysterij Festum, sub Ritu duplici primæ clas-
sis cum octava, cæterisque prærogativis, om-
nibus hujusmodi Patronorum Festis competen-
tibus, & à Sede Apostolica approbatis, ab
universo Hispaniarum, Indiarumque Ditio-
num Clero Saculari, & Regulari, quomo-
dolibet etiam exempto, coli, & celebrari præ-
ceperit, atque mandaverit; cùmque inter præ-
rogativas, quæ à Sancta Sede favore dicto-
rum Patronorum indulgeri solent, primarium
quodammodo teneat locum Officij, & Missæ
in eorum honorem recitatio, idem Rex Ca-
tholicus, ut Apostolica Sanctitatis vestræ con-
cessio, ut supra jam facta, integrum jure me-
rito sortiatur effectum, Officium, quod incipit:
Sicut lilium inter spinas: & Missam, cu-
jus initium: Egredimini, & videte: quibus
Ordo Franciscanus utitur ad prædictum Do-
miniorum suorum Clerum extendi, & proro-
gari summoperè desiderat; idcirco Emmanuel
de Roda ejusdem Catholici Regis jussu, & no-
mine Sanctitatem vestram humillimis precibus

orat, ut prædicta Officium, & Missam, prout à Franciscanis recitantur, ac in eorum Bre-
viario, & Missali, à Sancta Sede approbatis,
continentur, universo Hispaniarum, & In-
diarum Clero, tam Seculari, quam Regulari,
ac quomodolibet exempto, pro die Festo so-
lemni ejusdem Immaculatae Conceptionis, nec-
non & pro ejus octava concedere, indulgere,
& extendere Apostolica sua auctoritate dig-
netur. Et pro gratia, &c.

Cum autem Nos aliàs libenti quidem ani-
mo, adeo effuse dicti Caroli Regis, ac totius
Hispaniæ Gentis erga præclarum hoc Deiparæ
Virginis Mysterium Devotioni obsecundantes
juxta priores nostras Litteras ipsam in præ-
dicto Mysterio colendam universalem Patro-
nam, & Advocatam dictorum Regnorum, &
Dominiorum declaraverimus, ejusdemque Mys-
terij Festum in dictis Regnis, & Dominijs
per universum Clerum, tam Secularem, quam
Regularem, & quomodolibet exemptum, sub
ritu duplici primæ classis cum octava celebrari
præceperimus, modò præmissas Nobis addi-
tas preces, velut recentiora illius eximie pie-
tatis argumenta excipientes, ac priorum Lit-
terarum nostrarum tenorem cum omnibus, &
singulis in eis contentis, præsentibus pro ex-
presso habentes, novis hisce supplicationibus

Pastorali affectu nostro benignè inclinati, ipsarum tenore presentium in perpetuum concedimus, atque indulgemus, ut recurrente annis singulis dicti Mysterij celebritate in eisdem Regnis, & Dominijs, ac in singulis illorum Civitatibus, & Diocesibus, Oppidis, Terris, & Locis, ac Territorijs quibuscumque, etiam nullius Diocesis, ab universo Clero predicto, ab omnibus videlicet, & singulis Sæcularibus, & Regularibus utriusque sexus cujuscvis Ordinis, & Instituti, etiam quanteumvis exemptis, qui Horas Canonicas Diurnas, & Nocturnas, sive privatim, sive in quibusvis Ecclesijs collegialiter, & cum cantu recitare tenentur, ac tenebuntur, ac Sacrosantum Missæ Sacrificium celebrabunt, illud Officium proprium, & Missa cum octava recitentur, quod, & quæ per dilectos Filios Fratres Ordinis Minorum Sancti Francisci de presenti generalitèr recitantur, ac in eorum Breviario, & Missali à Sede Apostolica approbatis continentur, ad quorum effectum illius Officij, & Missæ cum Octava recitationem ad universum Clerum predictum generalitèr quoque harum serie extendimus, idemque Officium, & Missam hujusmodi juxta exemplaria dictorum Fratrum Minorum, & non aliàs ad usum Cleri, & Regularium predictorum in eisdem Regnis, &

Dominijs pro tempore commorantium, etiam
seorsim ab alijs Breviarijs, & Missalibus typis
imprimendi opportunam licentiam, & facul-
tatem concedimus, & impertimur: Non obs-
tantibus, & respectivè firmis, ac salvis re-
manentibus Constitutionibus Apostolicis, &
omnibus illis, quæ in dictis prioribus nostris
Litteris non obstare, & respectivè firma, &
salva esse, & fore decrevimus. Volumus au-
tem, ut præsentium nostrarum Litterarum te-
nor in principio, vel in fine Officij, ac Missæ
pro usu dicti Cleri, ut præfertur, imprimendi,
etiam imprimatur, utque earundem præsen-
tium transumptis, etiam impressis, manu ali-
cujus Notarij publici subscriptis, & sigillo
Personæ in Ecclesiastica Dignitate constitutæ
munitis eadem prorsus fides in judicio, & ex-
tra illud, adhibeatur, quæ ipsis præsentibus
adhiberetur, si forent exhibitæ, vel ostensæ.
Nulli ergo omninò hominum liceat paginam
hanc nostræ Concessionis, Indulti, extensionis,
licentiæ, facultatis, & voluntatis infringere,
vel ei ausu temerario contraire; si quis au-
tem hoc attentare præsumpserit, indignatio-
nem Omnipotentis Dei, ac Beatorum Petri,
& Pauli Apostolorum ejus se noverit incursum.
Datum Romæ apud Sanctam Mariam
Majorem, Anno Incarnationis Dominicæ mil.

lesimo, septingentesimo sexagesimo primo, decimo sexto Kalendas Februarij: Pontificatus nostri Anno quarto. = C. Cardinalis Prodaturus. = N. Cardinalis Antonellus. = Loco ✕ Plumbi.

Extracta est præsens Copia ex Litteris Apostolicis originalibus sub Plumbo more Romanæ Curie expeditis, mihi infrascripto Notario in Secretaria Regalis Patronatus suæ Catholice Majestatis ad hunc effectum exhibitis, & eidem Secretariæ redactis, illamque cum eis collationavi. In quorum fidem eandem præsentem Copiam, sigillo roboratam Illmi. Dñi D. Andreae de Zerezo & Nieva, Archidiaconi Titularis, Dignitatis, & Canonici almæ Ecclesie Toletanæ Hispaniarum Primatæ, à Consilijs præfatæ Catholice Majestatis; Gratiarumque Sanctæ Cruciatæ Commissarij Apostolici Generalis subscripsi, & subsignavi Ego D. Antonius de Castroverde Notarius Apostolicus, ac Major Tribunalis Regiæ Capellæ ejusdem Majestatis, ejusque Territorij separati verè nullius. Matriti die 31. Martij, Anno Dñi 1762. = In testimonium ✕ Veritatis. = Antonius de Castroverde. = Loco ✕ Sigilli.

Palmae: die 14. Augusti 1762.
Imprimatur.

Laurentius Episcopus Majoricensis.

